


ル 5
3391
10



6657.87

138.10





門五
號 3391
卷 10



增城縣志卷之二十三

人物六 藝術 流寓 仙釋

顧鸞

賴鏡

王盡臣

鄭爵

湛菊生

湯尚仁

以上藝術

羅威

陳恭尹

張全五

胡貞女

吳貞女

以上流寓

東郭延

姚俊

何仙姑

軒轅集

早稻田大學圖書館
冊 30.1.18 雙
藏 書

單縣君

賓道者

劉禮姑

古雲 以上仙釋

藝術

明

顧鸞字飛客石灘人工詩善行草得索靖銀鉤蠶尾法
嘗嘆世之字學如好女臨粧專事姿媚終無烈女態
故其書拙多于巧而骨氣古勁落紙有神時人得其
隻字價比兼金生平不輕為人作書真蹟遂寥寥矣
邑人尹懿亦善書

賴鏡字孟容南海人少讀書增城白水山中自號白水
道人逃禪萬壽寺性雅淡點染山水筆力遒勁氣體
高凝時手莫及亦工詩所著有素庵詩鈔

王蓋臣水東人少慷慨有俠氣酒酣興至每攘臂撥墨作梅花老幹扶疎有寒崖霜雪之致人獲之如重寶嘗自謂丈夫既不辦調羹手亦當朝探庾嶺夕夢美人以消遣處士雅懷爲樽前一快事云

國朝

鄭爵字列上高賢舖人弱冠餼於庠爲文根底理窟結構嚴密慕成宏遺軌尤工書與至濡毫或如蕭子雲上林春花或如鍾司徒游天舞鶴邑令管一清器重之延爲雙鳳書院山長凡所作碑誌皆借書其手今邑中士大夫家有藏其真蹟者珍如重寶

以上仍舊志

湛菊生新塘人善刻欖核增城欖核多無肉者故可刻菊生獨精其技所有刀鑿皆自鍊精鐵而成闢窗東向朝旭初升卽取欖核向窗口雕鏤有事則口啣之過午則不刻云不可刻也世所傳東坡遊舫中爲艙前爲船頭後爲尾艙中置一桌三人據案坐旁有僮方扇茶艙後有柁工把柁計凡爲人五爲桌一爲座三爲杯三外爲爐爲吊爲扇爲柁各一艙兩旁有窗窗八扇皆可開合船底刻赤壁賦可謂奇矣然取價不過十金至船頭上有連環圈七者則必需三十金云嘗見其刻十八羅漢山石樹木布置皆極疎落羅

漢亦各有神理尤異者中有羅漢手托一鉢鉢上有一
一鴿頭向內而足在鉢邊雖細如初生之蝨而頭足
皆具確然是鴿直疑鬼工矣末有一牌是雙合而成
者其邊悉用工字雕通一邊刻觀音在蓮花座上左
爲善財右爲龍女上邊空處左刻瓶一上插楊枝右
刻鸚鵡一口啣十八子念珠一串有牌有珠一邊刻
心經全文後有欵圖書皆陽文牌後有二珠一圓一
尖皆欖核所成而珠中皆鑿孔孔內各藏一佛視之
不背搖之則響云自言技亦人所能惟至底皆平視
之似不假刀鑿此則有一日之長云顧奇巧之物成

非一朝倉卒之間難覓售主計其所入亦僅中人之

產而已

據府志增

湯尙仁字守正號不阿鶴嶺舖人孝子羽儀之祖也積
學能文尤工繪事少嘗以國子生一試南闈不售遂
絕意進取恣情山水放浪形骸閒以其畫問世爲人
雄酒善奕豪爽好客構一堂於龜峯之西顏曰尙友
堂前闢爲花圃顏曰叢蘭日與二三知己徜徉其間
香海彈棋花叢讀畫坐中佳士樽中酒應接無暇晷
家人產不顧也晚與姚子階及湛子上濟鄭子枝茂
張子麟等十八人結耆英社抗希香山竹林之風年

八十乃卽其身之所歷心之所嗜情之所適意之所
寓繪爲四爽圖選韻徵詩極一時風雅之盛邑令管
一清贈以額曰抱樸懋績蓋無愧一老靈光巍然聳
於鳳山相水間也

據采訪增

流寓

漢

羅威者字德仁番禺人天性惇愷暑髻卽知禮讓八歲
喪父哀毀如成人事母至孝勤身苦體以備供養怡
顏遜言未嘗迅聲厲色朝暮供侍奇果珍味隨時進
前母年七十天寒嘗身温席資母寢夏月必撤帳而

卧曰吾留蚊蚋恐去齧母制行雅飭口不挂俚褻之
言足不及富貴之門待妻孥如嚴賓先世遺以負郭
之田力耕自給非其力不食也鄰家牛數犯其穡威
刈芻潛納其門而去牛主怪詫後訪知是威所爲感
愧交并竟涕泣而負荆焉出遇老稚負戴於塗率代
其任邑人相觀而化孝慈成俗邑令異其行辟署門
下吏威辭不就強之頗力遂偕母遯於增城縣界令
去乃歸居母喪泣血骨立日進溢米食蔬醢者三年
旣葬結廬於墓朝夕盡哀有白鹿止其墓側馴擾如
家畜世以爲孝感所致時同邑有唐頌者篤行與威

齊名

附王僧儒為南海太守下教求士有曰此境三閩奧壤百粵舊都漢開吳別分星畫部風序翔

浹衣簪斯盛其川嶽所產豈直明珠大貝桂蠹翠羽孝實人經則有羅威唐頌學惟業本又聞陳元士變自是高尙獨往相望於嶼巖懷仁抱義繼跡于前史蓋以廣之多賢由三數公倡之也 仍舊志

國朝

陳恭尹字元孝順德人陳邦彥子邦彥殉節時恭尹纔十餘齡匿妻父新塘湛粹所獲免比長賦姑蘇懷古諸詩傾動一時名大起其詩清迥拔俗得唐人三昧古體閒入選理一時習尙無所染工書法新城王士正秀水朱彝尊越執信先後至粵於廣州詩人尤推

重恭尹朱謂其降志辱身當進之逸民之列而恭尹亦以忠臣遺裔沉痛患難隱居不仕自稱羅浮布衣雖學與年深而猛鷲之氣猶時有發露也著有獨漉

堂稿

據府志增

張全五乾隆初流寓于增浪跡山水居停恒在僧寺城市喧溷不多入也書畫精絕來乞者亦隨意與之多飛白書蓄怒拂鬱放逸生奇莫可名狀得之者如珍拱璧其圖章多嵌天賜玉堂四字或稱戴山子曾遇貴官於僧寺與語終日不令人聞然顏色慘甚後歸羅浮不知所終或云全五亦其託名實不知何許人

也仍舊志

胡貞女原籍餘杭人幼隨父僑居增城許字秦氏子秦天死女厲志矢貞時有山左平氏某亦寓增頗豐於財女父利之聽委禽女聞即向父痛哭求終志不許屆期勉遵父命登輿至平家婚之夕聞平偶出即閉戶投繯死邑人士一時競賦詩以紀其事仍舊志

吳貞女錢塘人父以罪戍增城女隨之至及長有縣富翁某見其美願以四百金納為妾吳利其金商於女女曰兒在錢塘已受聘今又受人聘耶掩面泣事遂寢富翁復增其金以啗吳吳受之始言于女女知不可挽欣然允諾及歸富翁家給翁他出伺隙縊死顏色如生時嘉慶庚午四月也據府志雜錄增

仙釋

漢

東郭延字幼平一字延年山陽人秦時隱居增城山數百載愛嗇精神不極視大言常服靈飛散自云得之李少君煉服九鼎丹能夜書目光遠照小物望氣色逆知人生死又能役使鬼神一旦數十人乘虎豹來迎遂詣崑崙山仙去云

姚俊字翁仲錢塘人少為郡掾負笈遊太學遂明經術

災異爲交州太守漢末棄官入增城山中遇東郭延
師事之授九精煉氣輔星存心之術及神丹刀圭服
之成道

唐

何仙姑邑人何泰女也開耀二年仙姑始生性凝靜簡
淡所居與羅浮山相望嘗告其母曰將遊羅浮父母
怪之私爲擇配結褵之夕忽不知所在明旦惟餘井
側雙履而已頃之有道士從羅浮來自言見仙姑踞
麻姑石上謂曰而之增城屬吾親收拾井上履由此
鄉人稱爲仙云仙姑生時紫雲繞室頂有六毫所居

地產雲母石嘗夢異人授服餌法久之覺身輕往來
如飛遂辟穀天后嘗召之赴闕中道失之天寶九載
五色雲起於麻姑壇有仙子縹緲而至蔡太乙識其
爲仙姑也大厯中又見于小石樓廣州刺史上其事

賜朝霞衣一襲

以上俱
仍舊志

軒轅集者不知何許人武宗好談神仙集以山人進宣
宗卽位誅趙歸真遂流集於嶺南因居增城之羅浮
山人傳其數百歲顏色不老髮長垂地坐暗室則目
有光長數丈每採藥於巖谷毒龍猛獸隨之若爲所
護與人飲酒則袖出一壺纔容一二升賓客滿座傾

增城縣志 卷二十三
之彌日不竭人有勸飲者百升不醉夜則垂髮於盆中其酒漉漉而出麴蘖之香畧無減後宣宗思之大中十一年遣使迎至長安召見問長生可致乎對曰絕聲色薄滋味哀樂一致德施無偏自然與天地合德日月齊明雖堯舜禹湯之所以致上壽者此道也况長生久視乎及退又以金盆覆白鵲試之時集方休於外謂中人曰皇帝安能更令老夫射覆乎中人不喻其意上復召令速至集纔及玉陛謂上曰盆下白鵲宜放之上笑曰先生早知矣命坐御榻前令宮人侍茶湯集貌古而布素有笑之者則鬢髮朱唇年

方一八須臾變爲老嫗鵝皮鮐背鬢髮皓然皆涕泣不已上命謝之却復故京師素無萱萑荔支花上因語及集袖出二花各數百朵枝葉方茂如新剪者上又嘗柑子集曰臣山下所植味踰於此上歎曰朕無緣得矣集取御座前碧玉甌以寶盆覆之頃之徹盆得柑上食而甘之又問曰朕得幾年天子卽取筆書四十年但十字上有一起上笑曰朕安望四十年乎及晏駕乃十四年也留數月求還山命中使送之每見其於一布囊探錢以施貧者比至江陵數十萬取益不竭未及山忽失其所在中使惶恐不日南海守

增城縣志 卷二十三 十一
奏集已歸羅浮矣觀世所傳集事大抵東方朔左慈
之流亞與

據嶺南人
物傳增

宋

單縣君者敦煌單道開之裔也道開以異術顯於晉昇
平中後入羅浮山殪妖蛇以祛衆惑年百餘歲尸解
袁宏嘗睹其靈蹟而贊之道開之遠孫通真從東魯
來遊羅浮追慕道開不已遂卜居增城龍灘之圓洲
里數傳有女曰縣君生而穎悟聞言成誦自號緣原
道人嘗辟葷絕粒夢異人授以白石子數枚祝之曰
啖可療飢久之能飛縣君遂吞之寤時體覺輕健辟

穀數月一日忽聞異香襲人祥雲繞室乃題其壁云
握衣步入軒轅界身世翩翩物外遊自是塵囂隔天
塹高堂莫惜翠鈿收遂飛昇而去

賓道者香埔塘人年八歲爲人牧牛忽謂同輩曰若等
欲齋乎因溺地作大圈以範其牛牛輒就圈求芻不
出少頃攜齋果返徧分同輩衆皆愕然不知所從來
皇祐間削髮明山寺恆患癩結痂徧體衣垢敝不澣
濯主僧疾其不潔每赴齋輒扇留於寺及至齋所賓
已在坐矣寺與母家隔一江往來侍問寒暑不輟母
病詣廣州城市藥不逾時而返其神異多類此人以

聖童呼之嘗偶坐北郭新橋是夕潦水漲沒梁柱黎
 明人視之衣不濡其悟入不知何宗後化於瑞山石
 上僧徒昇之不動遂龕而飾之每月髮必長見夢於
 其姊使為之薙後姊年耄告之曰吾老矣道遠不能
 長為而薙髮且有髮故不如無髮也嗣後髮乃不長
 邑中水旱疾疫禱之無不應紹興中姚孝資臨縣遇
 旱躬禱之甘雨隨注或強輿之舟中欲以置諸邑中
 流舟覆溺於水網之不可得晚復出於寺前之淵事
 聞勅賜寺額邑人亦肖其像於萬壽寺中便祈禱焉
 今證果墟證果寺即賓佛寺香火極盛以上俱
仍舊志

明

劉璫姑麻車人劉維樞女幼有仙稟事能先覺治麻縷
 絲泉織紵組紉不見作為之迹而女紅聿成眾咸異
 之璫姑處事父母終身不字父家賴璫姑助操作日
 以豐裕逝後父為立祠祀之數百年來頗著靈應鄉
 中婦女力田刈薪者抱幼兒置祠中禱撫兒輒竟日
 不嗥亦不顛蹶故咸以仙姑稱之據採訪
冊增

國朝

古雲者號雲庵海幢寺嗣法僧也其初為邑諸生周瑞
 駟好學於書無所不讀橐筆硯應有司試名日以著

年三十忽削髮入海幢禮阿字呈偈言阿字首肯之
 遂授之法嘗曰禪者六波羅蜜之一耳彼侈言大乘
 專以伸權豎拂為能事不至墮鬼國不止故終其身
 以宗律並行持戒稱精嚴焉康熙乙酉嗣阿字主法
 席皈依方丈者千餘眾世壽八十一旦索湯沐入寂
 著有金剛鈔義圓覺經義及前後語錄其詩為月鷺
 前後集皆雋朗迥然於塵空之外仍舊志

增城縣志卷之二十三終

增城縣志卷之二十四

人物七

耆壽

附壽婦

附五代同堂

耆壽

明

湛若水

沙貝人三部尙書九十五歲

湛自正

沙貝人九十三歲

黃夢說

隔濠人舉人九十二歲

黃夢尹

隔濠人九十六歲

何士舉

接龍舖人九十二歲

何善政

九十歲

曾受益

槎岡人九十三歲

曾可化

槎岡人九十歲

吳世英

九十歲

吳粹英

一百歲邑令陸清源題贈瑞世期頤

陳培雲

橋頭人一百三歲

陳環江

橋頭人一百二歲

增城縣志

卷二十三

人物七 耆壽

張觀兒

梅都禾嶺人一百一歲邑令王師性

徐勤

西州人一百歲

貽匾題曰百齡人瑞詳請奏准賚肉帛坊價授

賴與愷

臘埔人九十歲

八品

湯衡

鶴嶺舖人九十五歲

王惟賢

石頭涌人九十六歲

案先朝耆壽僅登錄此十數條明知缺畧但以舊志不立耆壽一門世遠難稽文獻不足無可言也識者諒之

國朝

劉超達

麻車人一百七歲乾隆間勅賜昇平人瑞坊額庫龍緞二疋白金二十兩頂戴榮

劉元伯

麻車人一百二歲坊額庫龍緞二疋白金二錠

身子二俱逾九十歲

劉展韜

橫望人一百四歲五代同堂建坊

劉廷祐

五代同堂燈心山人九十六歲

劉榮爵

九十八歲

劉洋溢

九十二歲

劉而貞

九十二歲

劉體琮

九十二歲

劉燮廷

九十歲

劉衍慶

九十歲

劉釋三

九十一歲

劉馮木

九十一歲

劉蘭溪

九十一歲

劉趣南

九十二歲

劉容彭

九十二歲

劉覺斯

九十一歲

劉仕林

九十歲

劉彥深

九十三歲

劉道圓

九十五歲

劉崇瞻

九十二歲

劉見溪 九十歲

劉遨湖 九十歲

劉潔卿 九十二歲

劉東白 九十七歲

劉亂華 九十九歲

劉孔泰 九十歲

劉耀林 九十歲

劉存惠 九十四歲

劉觀卿 九十歲

劉配求 九十歲

劉朝健 九十歲

劉天祐 九十五歲

劉廣昭 九十歲

劉以讓 九十二歲

劉毓華 九十二歲

劉待秋 九十二歲

劉配京 九十六歲

劉保定 九十三歲

劉崑玉 九十二歲

劉作硯 九十二歲

劉暢懷 九十一歲

劉龍勝 九十一歲
以上俱麻車人

陳輝宗 龜峯舖人 九十一歲

陳文興 箕裘岡人 九十二歲
恩賜壽官

陳聽彥 箕裘岡人 九十七歲
恩賜壽官

陳奕美 福都上棚人 九十四歲
五代同堂 夫

陳璋麟 陂田人 九十四歲

陳奕美 福都上棚人 九十四歲
五代同堂 夫

陳玉清 馬車排人 五代同堂

陳奕美 福都上棚人 九十四歲
五代同堂 夫

陳冠英 狐狸寮人 五代同堂

陳奕美 福都上棚人 九十四歲
五代同堂 夫

陳上林 狐狸寮人 五代同堂

陳奕美 福都上棚人 九十四歲
五代同堂 夫

賴澄清 臘埔人 九十四歲

陳奕美 福都上棚人 九十四歲
五代同堂 夫

賴大授 舉人 九十四歲

賴文光 九十歲

賴世佻 九十歲

賴上進 九十四歲

賴得心 九十四歲

賴諦錫 九十二歲

賴世倫 九十二歲

賴潮堂 九十四歲
以上俱臘埔人

張朝璋 仙塘村人九十八歲
恩賜八品冠帶

張盛高 科甲堂人
五代同堂

張開源 白蘇塘人
一百一歲

吳和聲 九十五歲

吳錫貴 大笪人年逾九十
邑令張顏其堂日

長年人瑞 恩
授八品壽官

毛而有 毛村人九十九歲
恩賜八品壽官

溫廷毅 九十五歲
乾隆朝旌表

溫光祖 大埔村人五代同
堂同治朝賜七

葉衍祥 坊額

溫日潤 九十三歲

溫元信 九十歲

溫以傳 九十三歲

溫光琛 九十歲

潘嘉謨 九十一歲五代同
堂身拜父墳服屬

賴德良 九十一歲

賴世持 九十歲

賴張彥 九十五歲

賴魁揚 湖塘埔人
九十六歲

張玉生 仙塘村人
九十一歲

張慶雲 拳嶺村人夫妻均
壽逾九十五代同
堂親見子孫男
婦二百餘人

吳克裔 一百三歲

吳明秋 九十五歲
以上俱雅瑤人

吳元瑞 隔水龍人
一百一歲

吳壽昌 黃沙湖村人九十九
六歲五代同堂

毛漸遠 烏石村人
九十一歲

溫憲祖 梅都大埔村人一
百歲身拜父墳服
屬子姪
百餘丁

溫安瀾 大埔村人光祖
子五代同堂

溫桂暘 福都十排村
人九十七歲

溫玉榮 九十一歲

溫勝彰 九十五歲

溫勝立 九十歲
以上俱楊梅田人

潘世乾 九十一歲

增城縣志

卷二十四

人物七 耆壽

四

子姪百八十丁 勅賜
七葉衍祥坊額龍緞二

正白金
二十兩

潘倫清 九十一歲

潘子朋 沙厂村人
九十三歲

林嘉譽 高桂舖人進士樹
儀父九十六歲

林翰楠 上都牛潭田
人九十八歲

林錦華 歐西涵人
九十四歲

郭能定 本梅州產肇基池
嶺村九十二歲

郭湘源 池嶺人能定孫五
代同堂夫妻均幾

耄壽身拜父墳時服
屬子姪二百七十丁

郭肇煌 官塘人旭華長
子九十三歲

梁經科 賢都鄧山人
九十六歲

梁大昌 橫棟嶺人
九十三歲

羅學勉 九十四歲五代同
堂親見子孫一百

二十
餘丁

羅翔鳳 九十六歲五代同
堂身拜父墳時服

屬子姪百
有餘丁

羅世球 九十七歲
五代同堂

羅瑞鳳 九十五歲
五代同堂

羅金朗 九十七歲
以上俱百湖庄人

潘承 九十三歲 恩
賜八品壽官

潘瑞清 九十一歲

潘文龍 九十歲
以上俱塘下人

潘世堂 沙厂村人
九十一歲

林榮龍 福都鄭新村
人九十四歲

林錦元 歐西涵人
九十二歲

林雲桐 歐西涵人九十一
歲身拜父墳時服

屬子姪百
有餘丁

郭元菁 官塘人九十四
歲五代同堂

郭旭華 官塘人九
十六歲

梁觀修 福都良田
人一百歲

梁照 慶都橫棟嶺
人九十一歲

羅奇錦 本永安產肇基百
湖庄九十二歲

羅朝東 九十二歲五代同
堂一妻舉八子

羅懷東 九十六歲五代同
堂身拜父墳時服

屬子姪二
百餘丁

羅國崇 夫妻均九十六
歲五代同堂

羅寬鳳 九十四歲

羅鳴謙 九十四歲

羅炳新 鐘岡人一百一
歲五代同堂

魏靜安 九十三歲原居慶都楊溪村遷居坊

都秀水舖

湯則發 福都湯村人 九十六歲

楊宗祥 福都石船人現年九十三歲

邱瓊福 九十六歲

邱傳福 九十四歲

邱得勝 九十五歲以上俱蓮塘人

李煥文 塘肚人九十八歲五代同堂

李作元 高第人五代同堂嘉慶朝勅賜七

葉衍祥坊額

王錦玉 歐田塘人九十四歲

鄭瑞莊 西湖灘人九十三歲

何東霖 蓮塘面人九十二歲五代同堂

鍾兆祥 福都塘尾人九十一歲

曾就朗 大塋村人九十六歲五代同堂身拜

父墳時服屬子姪一百八丁

龍皆宏 牛泮山村人五代同堂夫妻均九十

五歲

馬明象 西瓜嶺人一百一歲

鄧廷拔 一百四歲五代同堂嘉慶朝勅令

魏高沛 鳳池合口人一百歲

湯羽儀 鶴嶺舖人九十歲

楊湛源 上都竹子溪人一百二歲

邱賢福 九十三歲

邱振福 九十八歲

邱東魁 九十二歲

李金生 大嶺塋人縣學附生一百歲

李超榮 塘肚人五代同堂

王習信 隔嶺埔人九十二歲

王懷熙 上社人九十三歲

宋裕寬 小逕村人現年九十九歲

朱昌 朱村人五代同堂勅賜五世其昌坊額

龍緞二疋白金二十兩

姚貺臻 金蘭寺村人九十八歲

龔乾以 官田村人九十四歲

石應章 春坑人五代同堂勅賜坊額旌表

胡永琳 福都矮洞村人一百五歲恩賜八

品壽官

湛宴 沙貝人壽逾九十邑令題贈日盛世達尊

列調鼎 仙村下境人九十歲夫婦齊眉

旌表

郭大文 綏寧都郭村人九十六歲

列明新 碧江人九十四歲

郭辛伯 庇帶聖人九十六歲

明以前壽婦

湛馮氏 沙貝湛粹妻九十七歲

吳陳氏 吳世英母九十歲

陳杜氏 漏坑陳仲華妻九十三歲五代同堂

國朝壽婦

陳湯氏 龍門埔陳貯承妻九十八歲

陳鍾氏 陳又顯妻九十三歲

陳王氏 橋頭陳緝熙妻九十二歲

陳黎氏 橋頭陳亞潮妻九十三歲

陳王氏 坳頭陳業華妻九十三歲

陳郭氏 坳頭陳傑妻九十歲五代同堂

陳曹氏 石橋頭村陳世基妻九十一歲

陳郭氏 雲霞嶺村陳元朗妻九十七歲五代

羅鍾氏 百湖庄羅國崇妻九十六歲

羅林氏 山角羅伯壽妻九十六歲

何王氏 龍田何自果妻九十四歲

賴梁氏 麻田賴理超妻九十二歲

江劉氏 竹頭田江以章妻九十八歲

宋潘氏 小逕村宋桂香妻九十五歲

范羅氏 福洞范大琛妻九十二歲

龍湯氏 牛泮山龍皆宏妻九十五歲

溫李氏 楊梅田溫飛香妻九十歲

馬劉氏 西瓜嶺馬明德妻九十二歲九男二女五代同堂

石張氏 春坑石妻九十歲

梁會氏 鄧山梁三綱妻九十二歲

梁劉氏 鄧山梁天錫妻現年九十九歲

黃曾氏 城南黃季千妻九十六歲

方魏氏 福都大洞村方月洪妻九十五歲

代同堂

溫劉氏 大埔溫光祖妻九十歲

增城縣志

卷二十四

人物七 壽婦

黃陳氏

田美黃大韶妻九十歲

增城縣志卷之二十四終

增城縣志卷之二十五

人物八

列女

宋

何李氏沙貝何世忠妻開寶初出粟餉軍封恭人比卒

詔葬於番禺何大山賜之田其後裔析居順德故順

德志亦載其事

據通志

明

司綵陳女者字瑞貞父仲裕居沙隄新堡陳生在乳不

啼晬日列玩具試之左手取劍右手援筆人知其非

凡女也甫能言教之讀書過目不忘稍長工刺繡而

於孝經內則女誠諸書皆研究能通貫洪武初設女
官選民間淑女充其職陳被選入見卽令兼理六局
宮嬪皆師事焉二十四年命掌司綵後賜歸省仍給
祿養其家旣歸閩範嚴肅子姪罕得見其面者有司
餽問皆辭之永樂初以陳老知宮中故事詔復原職
以病卒于宮文皇后爲之涕泣遣中使護喪歸葬於
陳家林香子山

湛陳氏沙貝湛瑛之妻瑛素剛毅少欵曲陳事之甚謹
委曲承順多所匡正然亦不至忤也瑛早世陳苦節
孀居布衣蔬食課其子甚勤子若水旣領鄉薦以侍
養無人不赴禮部試陳乃遣之從白沙先生遊旣又
念若水壯年家居非事君之義值會試督之行若水
遂舉宏治乙丑進士第官京師迎陳就養陳甚樂焉
時四方士踵門從若水遊者甚衆陳率家人治飲食
供具不倦年七十九卒于京師遺命捐所得俸糶穀
七百石建義倉于墳所以賑貧者又出家粟市田爲
小宗田以助小宗婚嫁喪葬之不給俾世守焉若水
奉柩歸葬於荷塘山新建伯王守仁書其墓石曰湛
賢母之墓若水廬墓三年冬月墓次忽產西瓜數枚
人以爲瑞應

顧鄭氏會仙舖人顧觀全妻觀全歿遺腹生男厚時鄭年甫二十二杜門矢志屏絕華飾雖族中卑幼未嘗一見養姑以至孝聞宏治間鄰人火不及鄭氏之居人以為節孝所感有司屢為請遂旌其門信陽戴冠贈之詩曰良人棄妾亦何早妾泣良人今已老良人棄妾兒未生今兒既壯孫復成妾身雖作人間客妾心已化南山石有淚還成血滿川東流盡使滄溟赤憶昔良人親結褵妾身自謂百年期清霜烈日有時變此心萬死終難移為人臣妾貴專一嗟嗟世降多反側長安戚里競香車誰識共姜居下國日日清風

吹海濱萬里無由達紫宸翠繞珠圍艷冶身副笄之

刺徵詩人

廖王氏邑人廖寧妻歸二年而寧卒無子王時年二十四誓死不再夫事姑盡孝稱未亡人者五十餘年族人為擇嗣繼之天順八年鄉耆舉其事有司以聞陳何氏本所總旗陳昱妻昱從征高州戰於仙墟陣亡時何年二十三一子四歲何守節自誓事姑盡孝家貧勤女工以資菽水節縮飲食資其子讀書成化間膺旌表

熊伍氏沙貝伍桂清女適熊睿正德間為盜所擄時伍

年二十四繫以組逼之使行伍據地大哭且罵不肯起脅以刀罵聲益厲賊怒并其所抱二歲女俱殺之斂時視其身傷於刀凡十七痕云

曹女田心村曹子英女也正德丁丑女年十七賊劫其鄉女避匿投竹林爲賊所執女捫竹堅立不行罵不絕口賊持之益急女罵益厲遂被刺而死逾時猶抱竹不仆怒容凜凜羣賊顧之皆驚嘆

陳顧氏邑人陳雍妻雍卒遺姪四月生子嶠顧年二十二母憐其少寡謀改醮婦變色曰節義至重吾忍以一身踐二庭使孤兒父他人乎遂大慟仆地絕而復甦

甦孀居苦節自勵事姑孝謹至老不衰正德己巳盜剽其鄰指顧氏門相戒云此中有節婦勿犯也嘉靖

間知縣文章聞之於朝立坊以旌

湯陳氏邑庠生湯尙志妻生一子而尙志卒陳年二十三有憐其少者勸之再適陳撫其子泣曰吾與若父結髮舊矣而背之他日亦何顏見若父于地下竟不二志勤紡績終其身內外無間言知縣文章以聞上旌表

湛霍氏沙貝湛涑之妻年二十七孀居嚴於訓子郡中

縉紳咸賦詩美之年七十有二

據通志

黃梁氏隔濠黃蒞妻年二十而蒞亡誓不易節湛文簡作慈節詩以表之

李廬氏槎岡李夢妻年二十五生一子而夫亡守志終其身教育遺孤有成立里人狀其節行上之知縣文章聞於朝立坊旌表

劉湛氏年十八歸於西洲劉鑑生一男侃未浹歲而鑑卒湛泣血自誓孀居勤紡績閭閻肅然鄉里上其狀有陳御史者以禮幣獎之知縣文章具其事聞之於朝表其閭

姚尹氏邑人尹仲美女歸于鴉岡姚肇畚進士珩孫也

甫一歲而畚患痘疹中死法尹憂形於色不食者已數日矣而朝夕撫視不離左右及畚病亟呼其兄託以孤女又呼尹命之曰汝年少不宜守善事後人矣尹泣曰妾之於君何如者而君爲此言倘事不測妾請先之後畚病益亟尹度決不能起大慟密持其孤託護厚女奴以衣一襲酬之囑曰善事吾女幽冥中必有以相報遂自經寢所次日畚亦卒鄉里聞之皆流涕邑令盛賚汝以爲請得旌其門

湯彭氏烈婦者邑人湯悌妻也彭年十八歸悌甫六月而悌遘疾死彭抱其尸哭絕舅姑慰之曰汝少無子

無庸守何乃自苦爲也彭泣曰婦人之義從一而終有子守之無子棄之人其謂我何舅姑乃不復言旣七日彭勉治飲食進舅姑視昔益虔舅姑猶意彭無他及夕抱悌棺哭不絕聲竟死棺下嗟夫彼沉淵赴火投繯飲藥之類其求死而得死者可不謂烈哉若彭者不必求死而竟死尤足以見其情之至矣君子謂彭之結褵者僅六月其義足千古焉。

陳曾氏烈婦者綏福牛塢曾道芳女橋頭陳戴之妻也負秀質以禮自矜年十七歸於陳爲婦三年非奉舅姑命未嘗踰閭闔生兒甫週歲適河龍賊大掠其鄉

曾抱其兒走兒呱呱啼不密遂爲賊所執曾度不能免輒給賊曰予不幸爲汝所執復何辭謹從女去矣顧余抱兒呱呱泣豈能從汝懽哉汝且抱吾兒置所居樓下呼吾姑收之何如賊喜抱其兒望樓而趨曾密索賊所用割肉刀置之懷度賊已至姑所返其兒無恙遂引刀自刎死後有人自賊中脫歸言曾自刎時睜目嚙齒張口作若罵賊狀手持刀血漬甚堅不可解聞者爲之嘆息焉邑人胡庭蘭有詩曰誰家少婦挾孤雛失却廳雄背日呼白刃自甘原上骨青春還保掌中珠羅襦委地生秋草月鏡埋雲泣夜烏

雨血桃花飛不散千齡凝碧勝璠璣

陳劉氏陳如金妻歸數月而夫亡無嗣誓不再適父母欲奪其志遂絕粒不食而死

黎錢氏慶隆舖民黎鈺妻歸三載生一子而夫亡時錢氏年二十有二毀容自誓無他志事庶姑敬謹不敢怠鄉鄰咸以節孝稱之

黎廖氏庠生黎杜妻杜卒遺腹生一子臨惠廖年二十五矢志靡他日惟紡績以資薪水教臨惠克有成立後臨惠老侍廖側未嘗敢失容知縣陳士章嘗稱爲黎孝子延之賓位甚禮重之人咸以爲廖之教云

潘張氏相江舖民潘海妻海卒張年二十有二所鞠一子亦卒邑令張孔修請旌其門謝曰節之一字非未亡人所忍聞也其真篤類如此有司每春秋有事壇廟頒胙致禮焉

盧顧氏庠生盧國寧妻年二十二而國寧歿無子以夫兄之子應徵爲己子矢志撫之不踰閭閻奉庶姑同處一室事之甚謹其翁按察使綸嘗以孝婦稱之卒年七十有六後應徵領鄉薦以文行著稱人咸以爲母教焉

林潘氏年十七歸林少光三年而光亡家貧紡績自給

婦守無玷

六貞者田尾黃燦陽妻湯氏與其姪曰慎曰志曰愛暨庠生森然妹曰可再曰蝦也湯孀守鞠子足跡未嘗及戶外而五女亦未字同處一樓執女工崇正戊辰土賊黃仲積攻焉湯曰賊勢熾樓必不可保若等其將辱於賊乎不然毋寧早爲之計五女相抱泣曰被辱而得生不若死湯卽踴身躍墜樓五女繼之及賊退有二女復蘇亦自經死時稱六貞焉邑令方大猷爲賦六貞詩以哀之時黃無隅妻馮氏黃華石妻賴氏皆爲賊所執強逼不從遂爲賊所殺

陳梁氏江口村陳喬宇妻早孀鞠子崇正二年流寇掠江口梁被執罵賊不絕口至河不肯渡奪賊刀自刺而死聞者傷之

劉貞女者麻車村人自少從外祖貢士王公魁家識列女傳內則諸書事父母孝敬不習治容受邑人湯矩聘及笄婚期已定而矩病遂卒劉聞訃大慟幾死卽脫簪珥易服欲奔喪母不可率諸宗婦及戚屬年長者婉轉勸諭女遂剪髮自誓曰余自受采以來久稱湯家婦矣豈以歸不歸易其心哉母不得已聽之遂至矩殯所撫棺復大慟幾死取斬衰服服之謁姑於

堂上反喪次朝夕哭奠及諸儀皆哀戚如禮後姑家貧不欲劉累己也令歸母家劉曰兒之所以不死者欲代矩事吾姑使九泉得瞑目耳若返母家則子然一身無所事事可以死矣自是無敢勸之歸者乃悉出簪珥葬其夫惟紡績以資菽水姑性剛癖劉朝夕事之無惰容四十年如一日邑侯熊劍化陳士章錢忠愛屢旌其門給粟帛贍其家陳世鳳爲擇其族子繼之卒年六十有六

黎湛氏西河村湛大元女適慶隆舖民黎曰虞年二十二而虞亡遺孤週歲家貧不能給惟紡績事姑其母諷之曰凡物有匹何自苦爲湛抱孤泣曰兒所以不死賴有子耳夫死從子有子不從欲何從乎又三年孤以痘疹死湛氣絕失聲是夜亦自經死

盧黃氏知縣文典孫女適會仙里盧茂宜僅數月而宜卒無子事姑甚謹誓不更適亡何而夫之兄亦卒止一子天秀黃撫之盧氏得有後及姑卒黃葬之能盡禮邑令請旌其門

陳黃氏戶部郎中黃蕃孫女適邑庠生陳相業事孀姑能孝年二十八而相業卒欲以身殉姑勸諭至再始進飲食自是處閨中絕跡戶外鄰里罕得見其面年

八十九卒里人上其事知縣陸清源旌之

鄭張氏賢儒舖鄭孔式妻生一子甫六月而式卒張年二十一誓不他適孀居紡績養姑鞠子鄉鄰稱之邑令旌其門卒年七十有七

黎吳氏舉人黎許妻許故穎悟而吳紡績以佐飭粥克盡婦道許因得肆力墳典大有聞譽舉於鄉甫二載卽逝吳年二十六孀居鞠子人鮮有見其面者事姑喪葬盡禮人稱其孝伯氏夫婦相繼亡吳撫其孤若己子俾有成立人稱其義縣官以慈節旌其門卒年七十有九

湛秦氏沙貝民湛師曾妻曾歿無子秦年二十一孀守定繼撫嗣子如所生性尤儉勤雖至老紡績不倦卒年八十有三

湛伍氏沙貝民湛允達妻生一子達卒伍年二十一撫遺孤食貧自勵年七十二卒

劉周氏知縣瀾孫女通判文輝季妹適麻車劉有仁甫三載而有仁卒周年二十三鞠子若龍矢志不二姑何氏久病夜不解衣理湯藥者彌年鄉族以孝節稱之年七十有一卒

黎姚氏鴉岡姚守經女慶隆舖民黎天俊妻年二十四

而俊亡無子事姑至孝家貧甚凡朝夕供饋皆出十指時戍子大饑傭織得米麥升合許煮粥飼其姑而採野菜自食卽餓極亦強起紡績不敢怠父母逼之改適姚泣曰吾矢志不二豈以歲凶而變哉若得養吾姑終其天年而後餓死卽地下見所天無愧矣及姑卒悉典衣衾營葬殮之具聞者莫不哀之

王貞潔接龍舖王如景女受同里何子經之聘經赴省應試舟覆溺死訃聞王慟哭不輟欲歸赴子經喪守節父不可卽毀容斷髮誓不再醮父不得已許之匍匐至何枕尸于股哭盡哀而翁家貧甚出簪珥賣之

以爲葬具比成喪執婦道事翁姑如父母及翁姑卒窀穸祭掃咸竭力營辦撫嗣子冀其成立家事無大小躬自料檢食貧三十年以紡績度日居恒無膏沐容邑里賢之後有邑庠單彰敬女字曾孔貞之子齋齋髻齡入膠庠未幾而卒單奔喪守節數年病卒

吳貞女者吳恪甫女也年未及笄貞靜精女紅適大兵臨境而統兵者不戢有悍卒突入其廬女驚欲走而其父被執方悲啼間懼逼辱遂赴水死

聶娘增城女子崇正庚午賊於增江口掠得之戲謂其眉未婉聶娘從容語曰女醮始掃眉若欲婉請假我

刀刀得遂自刎黎美周作聶娘婉眉歌有云丈夫髭
髯愧如此半尺垂虬掀不起紫石稜稜婉婉爾翠蛾
如鐵真男子又云人生安能如死期沙場血戰吾當
爲惜娘眉鋒不斬賊先斬偷生巾幗兒

國朝

謝陳氏水南謝卓君妻沙村陳廷健女也年二十二歸
於謝姑八旬矣事之甚謹歲丙辰姑歿時逆兵犯境
鄰里多奔竄陳氏與卓君獨否闔戶守喪不廢禮後
生一子秉禮彌月卓君死焉陳氏矢志不奪孀居二
十八年撫教秉禮補諸生以學行聞於時邑令沈澄

聞於當道 旌其門

湛馮氏沙貝村湛粹繼室順德庠生馮剛女也性賢淑
年十九于歸夫慷慨好義樂施予馮輒爲之助因寇
亂盡室避地他所遂得病卒馮與諸孤將奉其櫬歸
葬而道路梗塞不可行鄉人德粹來弔者數千人馮
命其子徧拜之衆皆攘臂起願盡力捍衛得無患馮
自于歸七載爲未亡人無所出前室有子男一女一
側室子男二女一皆撫之如所生後長子家聲方任
龍門訓導又卒方粹在時輕財揮霍家中落貨緡錢
自給至是前後積逋負千餘金馮乃出簪珥擇子錢

最重者償之復朝夕勤紡績縮衣節食五六年之後
 無留券者復營葬三墳畢子女婚嫁建先祠置祀田
 並出之兩手當馮之建先祠也嶺南故積陽無霜雪
 而是冬酷寒結凌澤柯葉間林樹皆凋瘁幾盡獨馮
 之荔園嘉實纍纍倍往年貨于市得少佐其費人皆
 曰以賢母故也或時值歲饑繼先志黽勉圖賑恤至
 九十七歲而終次子家貞季家修皆庠生曾孫十數
 人曰璠曰澧曰衢皆有文譽子壻陳恭尹字元孝尤
 博學而工詩為一時間人康熙戊寅 旌表

何孫氏者會仙舖庠生何龍續妻千戶孫廷獻女也年

十八歸何二十四歲而夫亡遺腹生一子曰泰來家
 苦貧且有虧糧田為累以緝緝紉為活延師教子黽
 勉具修脯有畫荻風初夫之兄某及其妻憫氏寡弱
 每歲給鹽米相周卹比其死義服三年報之而氏益
 苦無依矣泰來弱冠補弟子員家貧如故氏守節四
 十一年如一日歲甲申縣令沈澄題字其門曰完貞
 啟後孫文錦亦補弟子員卒年六十有九

單陳氏單光造妻仙村陳子英女也未嫁事繼母如所
 生年二十三歸于單事姑羅氏朝夕溫清益謹而其
 事夫也亦婉婉唱隨稱靜好焉歸二年而光造早世

勉留此身以奉姑并育其孤兒恐父母之奪志不歸
寧者幾十年家貧以織紵爲食得甘旨以奉姑有餘
則以哺其子自食常不飽而課以詩書則甚嚴後子
必得膺歲貢以學行著孫正元亦早補弟子員年八
十有四而卒

吳黃氏者石灘庠生吳鴻湛之妻田尾黃錦袍長女年
二十于歸八載湛卒有三子俱幼氏哀痛激烈立志
不可奪以事老姑撫孤子爲己任晝夜勤紡績得食
則以食姑與其子獨忍饑以爲常丙辰遭亂避地麻
車舊產荒蕪姑歿氏典衣以具殮鄉族義之卒年八

十長子楠庠生孫承英貢生俱克家

湯吳氏雅瑤人吳映山女年十八適龜峯儒士湯輝斗
三年生一子甫六月而輝斗卒時輝斗之祖父母及
父母皆在堂吳事之盡孝未幾相繼歿氏力舉四喪
附身附棺皆無憾艱難不惜也每春秋率其孤親祭
墓所教孤以正督課甚嚴因名之曰莊字汝正弱冠
補諸生端廉有學行人以爲母教所致亡何莊又歿
與媳廖氏孀守相依撫孤孫並能成立

廖貞女龍門人名金許字石灘吳學祖年十九學祖卒
聞訃脫簪珥易慘淡服欲奔喪父母不能違其志詣

吳謁祠拜姑卽衰絰走窆所哭盡哀觀者如堵咸泣下後事姑以孝聞晨夕靡懈擇嗣子延師教之終身不膏沐不履閭外內外無間言年五十三而卒

吳會氏石灘吳及國妻龜峯庠生曾正業女也年十九歸吳甫一載及國卒遺腹生一女矢志不改適舅姑俱在堂日勤紡績供甘脆孝事不衰擇嗣承祧卒年五十四

姚貞女沙頭姚鼎儒次女許字橋頭黎明達第五子閨長及笄而閨長卒女聞訃哭幾絕啟父母欲奔喪父母及戚屬無敢阻之者至黎拜翁姑畢服斬衰撫棺慟哭朝夕奠如禮扶柩送葬哀動鄉里觀者無不流涕事翁姑尤孝謹夫兄二人皆敬之爲立嗣未幾其翁姑與夫之兩兄相繼沒家益貧窶日勤紡績育嗣子比長卽經營婚事冀以存夫祀族人憐其節每春秋必致昨以敬之

列貞女碧江鄉列曉生長女幼許字諸生盧襄子汝鈔不數年汝鈔卒時女年方十六聞訃奔喪撫棺長慟幾絕以舅姑與庶姑俱在堂無他子喪葬後日夕勤紡績以供菽水備極荼苦女以少年孀居深自閼匿足跡不及戶外卽族人之同居者罕能見其面也亡

何翁與姑湯氏相繼歿家徒四壁前後備棺衾衣飾器具斥賣殆盡獨奉庶姑蔣氏處一室中形影相弔晨昏敬事無間其母聞之憐其苦且其年未老使人微風之卽大哭自後并絕跡不至外家家有虧糧田爲累久矣一日耆吏至門追呼甚迫女不得已訴其情於縣縣令沈澄覽其詞嘉歎久之而年例未及旌表乃上其事於大府書節孝維風四字懸其門親造其廬給布粟令族人舉應嗣者爲之嗣於是邑中知有列貞女之名嗣子盧文海年甫六歲撫育而教誨之爲之娶婦有六孫列年五十時族人欲爲之請旌

列以庶姑在不忍以節孝聞却之庶姑卒又以姑服却之雍正十年 旌表

盧莫氏東莞莫益彰之女許配邑生員盧桂芳之子元宏年二十于歸兩載生一子次及而元宏卒氏以舅姑老子幼唯事針線紡績以給朝夕姑喪罄鬻簪珥以治殯葬設影堂繪姑像事之如生後奉繼姑禮敬不替姑感之曰難得媳婦賢如此也又能爲外舅謀嗣續使不廢祀卒年七十

盧湛氏乃湛儒大之女年二十一爲盧次及妻卽節母莫氏媳婦也歸歲餘而次及又卒遺腹四月生一子

其父母念湛年少且盧故貧薄欲令改醮湛慟哭截髮誓志願依姑以老無他意姑患喉痺症食不得下湛乃以乳哺姑兒呱呱啼不恤也姑疾殆晨夕禱於神請以身代姑賴以安子稍長能讀書勤紡績供楮筆而蓄其餘布衣蔬食不妄費故婦姑孀守三十餘年而家用亦大饒嘗出橐金買田置之家祠供祭祀族人賴之皆嗟嘆以爲奇

熊姚氏儒林舖姚同野次女名閏少時父母教以孝經列女傳諸書讀之輒感激動容其天性然也治麻苧縷之如髮女工精巧年十七歸熊璧客璧客幼孤家赤貧姚至賣衣飾賃牛耕種佐夫力田以奉姑并撫其弟妹三人夜爲紡績常達旦仍延師教幼叔經營婚嫁諸務半由十指每得升斗粟卽爲飯飯其姑與夫及夫之弟妹而留其餘煮粥糜自啖之姑窺得其情太息流涕後每食必召姚與俱姚勉從之然未嘗一飽也及夫卒氏慟絕者再念姑老子幼黽勉稱未亡人朝夕奠營殯葬皆如禮葬後與姑團圞一室中未嘗離左右姑歿而勺水不入口者七日飭粥者三年亡何二叔相繼亡其子帝魁至七歲亡立一嗣亦亡蓋至是而戚屬俱盡姚之孤苦至矣不得已擇其

疏族昭穆相當者曰祖勝育爲子教養婚娶不數年
又亡遺一孤孫僅月餘姚居恒嘗曰吾死亦樂矣所
以百折不死者欲爲熊氏存一線耳姚之父母年皆
九十許聞其歿始往哭之未歿時未嘗一歸寧也雍
正中具題 旌表

徐陳氏東莞東向村陳康遇長女許配邑諸生徐作霖
之子徐况年二十于歸事舅姑以孝相夫以禮鄉里
皆稱之曰賢閨五載生一子名鑑後二年夫卒氏慟
絕閉門自縊竟與其夫同日死士大夫競爲詩歌以
傳其事兩柩合葬有翡翠雙鳴于其上焉

黃袁氏清湖瓜嶺村黃和一妻東莞庠生袁寧野女年
十七歸黃生二子夫死袁矢節茹荼守潔事姑敬謹
四十餘年課子繩憲以一經遊太學有文名由其內
則端莊靜一外而洽比推恩故時論賢之

張郭氏關隆約郭文覺之女性婉婉嫻女誠歸于張集
多克循婦職亡何姑歿繼而夫又亡氏年十九遺孤
僅十月有一叔病疴羸呻吟床簀家酷貧當姑與夫
之喪郭出其篋中所有賣之市以治殯葬叔不與也
踰年叔又亡叔之妻改適去遺一女郭並撫之如所
生初集多與其父兩世皆早孤其祖宗墳墓皆失所

在郭百計尋訪乃得之修其傾圮孀居紡績自食每
終日不舉火而祭祀必虔不廢魚菽教子讀書必至
夜分十餘年乃漸次贖其放產家竟小康

蔡吳氏石灘鄉吳英濯女名月真少字蔡彩觀之仲子
朝偉年二十一歲于歸婦德咸備閱五載夫亡矢志
不二敬事老姑朝夕侍養必柔聲下氣無倦怠意遇
有疾撫摩抑搔躬自爲之不離左右姑嘗語人曰唯
寡媳婦爲善事我也臨歿時語諸子割田一畝以旌
之夫亡之後謝絕膏沐足不出戶外念夫柩在淺土
出所有斥賣之買地安葬教子以義方日夜勤紡績

供紙筆鄉鄰每樂道之

單劉氏麻車劉蘭章女元洲庠生單任妻任卒勤儉孀
守撫孤事姑孝慈兼盡尤仁愛好施教其子讀書並
命之兼習岐黃曰古人有言不爲良相必爲良醫此
濟人利物事也其子亦善承其志遇貧者輒捐參朮
無所吝其甥姚裕謙及其婿朱家瑋各以司鐸明經
顯論者謂皆劉之所成就云

張文氏儒林舖張廷熙妻年十六歸張生二子廷熙死
文年二十五事姑甚孝甘旨所出皆由女工六十餘
年如一日訓其子廣舒秋郁孫彪炳甚嚴皆爲膠庠

名士殆亦節孝之報也

劉貞女許字單鎮祈已受聘而鎮祈父死家貧父母悔之欲改字劉曰命也不可踰數年未婚而鎮祈亦死訃聞其父母曰乃今可以如吾願矣而劉顧大慟欲絕遂改服欲奔喪父母不許而劉志不可奪至次年父母感其誠乃許之赴鎮祈墓哭盡哀卽歸單家事其姑克盡婦道姑有疾奉侍唯謹未嘗頃刻離寂處閨中未嘗有笑語聲姻族中或有吉禮張筵召之亦不赴父母家非大事不歸寧唯漚麻苧治之爲布窮日夜不休姑以其勤敬逾愛之姑死解衣衫付質庫以供殯殮養生送死皆盡禮焉教育嗣子尤極勞瘁晚年以勤苦過甚耗精力常病羸單氏族老每有祭祀必頒胙以優禮之

湛莫氏沙貝鄉湛帝長妻也先是帝長早患瘵莫歸侍奉湯藥無倦容家翁生員湛承讓棄世莫代夫治喪泣血哀毀殮葬皆如禮時帝長病不能下床第泣曰生子不如婦也聞者哀之次年帝長亦歿家貧不能供殮具莫乃出其奩中所有盡賣之以充用或有憫而賻之者則涕泣而婉辭焉葬後做衣蓬垢與姑霍氏相依倚值翁與夫忌日具盤盂之供必以其生平

所嗜好者四十餘年不替家有田每歲僅得穀三石許一日不紡績卽不能舉火每食時輒請其姑先食私取少米雜瓜蔬之類煮爲糜以自飽嘗曰苟姑得無恙卽每日一食可也及姑歿飯含殯殮皆如禮人無間言或云莫于歸時帝長病已甚一載而歿蓋垂老猶處女云莫每念及其翁與夫血食垂絕而家徒壁立無肯爲之子者日夜痛於心親族聞之相與捐貲助焉乃立其族子某爲嗣雍正間邑令鹿謙吉具請旌表

張鄭氏生員張岳妻年四歲母陳氏歿至九歲而父燦生亦歿事繼母廖先意承志母感之視如己出年十六歸張事舅姑尤婉婉能得其歡心持家勤約經理庖湏皆井井年二十兩產不育卽勸其夫立妾閱數年而舅生員張爾燮卒繼而岳又卒氏撫棺慟絕欲以死殉者三苦無後戚族擇其昭穆相當者以張烈駿嗣時母家勸其他適鄭卽泣叩夫柩前剪髮而誓之曰倘懷二心者有如此髮矣自後事姑益謹姑病藥食必親進兩載無倦容姑歿悲哀泣血殮葬成禮而家益貧日夜紡績祇粥食有媳湯氏生一孫三歲而媳亡踰年子烈駿又歿與其孫伶仃孤苦寄食戚

屬家數年而後歸年七十餘卒

趙黃氏雲母都何佛嶺趙彝周妻黃繁奕長女年十八于歸夫歿哀毀欲絕以翁姑在堂遺孩在抱勉進飲食以仰事俯畜母嘗欲勸改醮正色言曰兒既為趙家婦今忽二天何以見夫地下嗣是絕跡不歸寧惟勤女工以供菽水邑令詳請 旌表

黃彭氏者彭大年女適黃遂良二載夫卒彭守遺孤自誓不改適父母欲奪其志不能也事聞 旌表

據通志

張鄭氏儒林舖張卓英妻年十七歸卓英生三子年二十六夫死竭力紡績事舅姑以孝課三子皆成立長

子怡歲薦季子猗遊太學其長孫宏亦以明經著年八十猶事針黹苦節五十餘年戚里共稱其賢可為閩範云

單姚氏元洲單爵從妻年十八歸爵從二十而爵從亡遺腹舉一子苦節孀守勤儉紡績敬事舅姑教子入太學時論賢之

陳鍾氏陳又顯妻番禺庠生鍾兆蘭女年二十七夫死一子甫週歲家貧針黹自給奉其姑愛敬備至撫其子養教兼善後其子補邑庠生氏享高年至九十三鄭梁氏高賢舖鄭見美妻年十七歸美美貧為人傭耕

梁性貞靜溫惠縝維以佐之數年夫死無子人勸其
他適梁曰氏之不死而存奄息者以兩世墓草無人
代除耳有姪父死母嫁方二齡梁拮据撫育長成以
存其父後所居僅破屋半間蓬首垢面足不出戶者
五十餘年嘗數日不舉火鄰里初不覺也及其後知
之乃哀而進之食平日明女誠鄉黨之卑幼者或就
其家稟教訓焉卒年七十六不能治喪族衆賻金以
殮會葬者二百餘人婦女亦百餘人莫不哀感權奉
其主於祖祠耐祭後爲立嗣乃呈請 旌表云

鍾貞女許聘西洲陳見初未嫁而夫亡鍾聞剪髮奔喪

姑以家貧恐累鍾鍾曰兒旣受陳家聘卽生死皆以
陳家爲歸弗改矣事女工以養姑族人憐其節孝割
產爲之擇嗣

顧貞女岡貝單國梅聘妻未婚夫死奔喪守節屏絕華
飾事舅姑以孝鄉族交譽爲之擇嗣每春秋祭祖祠
皆頒胙以禮之

黃曾氏城南黃季千妻生員曾孔貞女嫻女誠善楷法
能書蠅頭小字年十八歸季千夫死孑然無所倚且
家有虧糧田爲累曾縝維拮据以撫嗣子其同懷弟
避難外出遺二幼子曾復爲之撫育內營衣食外應

追呼荼苦皆甘之兩姪竟以名顯後其弟歸割產歸
 曾以償其昔所費者皆不受未幾嗣子牧陳死其媳
 黎氏復以節孝聞黎氏者生員黎蘭女也年十九歸
 牧陳既歿無嗣矢節事姑侍養以孝稱支持困苦始
 終不忘督課嗣子入太學姑年九十六黎亦八十有
 八一門雙節人咸重之

鄭陳氏高賢舖生員鄭尙聯妻尙聯患癰三年陳盡鬻
 衣物以供醫藥夫死陳年二十六無子矢志守節紡
 績以奉姑始終孝謹拮据四十年乃擇立嗣子子天
 復擇立嗣孫恪陳篝燈課誦有和丸畫荻之風恪亦
 奉教力學補增廣生舉傷行族人嘉其節附主祖祠

春秋致祭

黃陳氏田尾村黃德州妻黃吳氏黃作一妻皆于歸二
 載而孀撫育遺孤維謹孝事其姑歷久不忘鄉族並
 賢之

鄭廖氏坊都高賢舖民鄭存善之妻廖其厚之女也存
 善卒廖年二十三哀毀逾禮親自負土築墳事姑至
 孝有飲食進之姑與其子啖飢粥自給姑覺呼之同
 食終未嘗一飽姑染泄瀉疾廖親滌衾衣不解帶者
 年餘姑歿勺水不入口者五日家雖貧苦喪葬如禮

乾隆三年知縣王廷鐸具詳請題立坊表之

吳霍氏雅瑤生員吳曰吉之妻霍履聲之次女也霍年二十九日吉卒慟絕數次幾不欲生因翁姑在堂且有遺孩乃勉稱未亡人含哀強起藉紡績以供朝夕康熙四十八年翁姑相繼淪歿棺槨衣衾舉無所措親族相助乃克成喪乾隆十一年知縣張偉綜具詳請題立坊表之

張鄭氏儒林舖民張品松之妻鄭文沛之女也品松卒鄭年二十三歲枕屍慟絕欲即相從地下親族之長老者諭之曰白髮在堂朝夕侍奉絜汝之責矣乃勉

稱未亡人拮据營葬侍養翁姑皆由十指衆皆憐之爲擇嗣以承宗祀乾隆十三年知縣陳綬來具詳請題立坊旌之

溫姚氏甘泉都沙貝鄉溫命臣妻溫柱之祖母也命臣卒姚年二十六哭泣幾絕不欲生念在堂翁姑皆七旬膝下遺孤方四歲乃強起飲食仰事俯畜孝慈兼盡迨翁姑相繼亡而其子緬復歿遺孫柱甫一歲姚撫之益勤後柱能讀書遵祖母訓人咸稱其善教云乾隆十五年知縣張起麟具詳請題旌表

陳亞由綏福都陳昌奇之女一日昌奇外出由獨處室

中有惡少入室拉女手戲之由大呼走脫父歸語之
是夜自經死事聞知縣張偉綜詳請 旌表

胡關氏楊梅劉崗山關勝資女父業農女生而有異稟
歸胡張來張來少孤母他適家赤貧關紡績自給相
得甚歡未嘗有怨容及夫病關亦不食數日夫死一
慟而絕復甦乃經營殯葬事既畢赴井死時年二十
四邑士大夫嘉其烈各爲詩歌以紀之傳誦徧於全
邑云

張何氏儒林鋪張持中妻年二十七夫死遺孤二長者
四歲其次者甫週何矢志不二事姑極孝姑老病痿
痺支離床褥間不能飲食何朝夕侍奉頃刻不離姑
終乃斥賣簪珥以供殯葬教子甚勤紡績以供修脯
長子承祖邑庠生次承孔國學生終身勤儉至老不
倦卒年六十二

劉徐氏劉恆通之妻年二十歸于劉三十而夫亡有三
子撫育而教誨之皆成立諸孫並繁衍而徐治家最
有法子孫皆奉其教稱賢母云

張賴氏縣民張廷連妻年二十四而連卒家甚貧賴事
耄姑順承其意喪葬以孝稱撫二子一女皆有成婚
嫁以次畢而次子及婦相繼沒未幾長子亦沒遺孤

俱幼其長子婦梁兼育之賴慟哭謂梁曰已矣今乃以是爲而累盍亦曲從而母命梁泣日以姑之節而婦再醮何以爲人所不與姑同志者有如日於是姑婦並灌園自給艱苦備嘗獲延一綫之脉後賴與梁皆享高年子孫亦繼承不替云

毛陳氏烏石村毛翰興妻夫死矢志靡他或勸改適氏曰予不死原欲成立此孤以除兩世墓草耳 國初兵燹被擄自度不免乃遙呼其子曰婦人以全節爲大今至此勿以汝母爲念遂赴水而死

鍾貞女出東洲少受聘西洲徐聖畿畿世業儒年十二

學爲文出語已驚長老咸期以國器竟以過勞咯血卒氏聞訃奔喪盡禮執婦道焉念翁姑思子切定省進食不敢見涕淚痕有娣姒來私言者則失侶哀鴻傷心寡鵠無以喻其悲愴也閒居小叔希見其面撫育嗣子祖昌慈而能嚴祖昌年十七卽遊於庠邑人嘉其貞節詳請 旌表爲建坊於興仁里貞女年至八十餘猶康強逾常操作無異少年人云

趙翟氏南岡村翟奕林女適大岡村趙垂袞卒時氏年二十餘一子僅數歲亦相繼死氏痛哭不欲生鄰妯勸之曰遺腹若男尙可望也宜自愛逾六月果舉

男母憐其少謀再醮氏勃然曰兒卽無子誓死靡他况趙氏尙餘塊肉乎自此絕跡不歸寧惟紡績以鞠其子後子錫祜亦克成立致富邑侯管一清賜額於門曰綠窓聖善年八十四而卒

黃陳氏田美村黃大韶繼室羊城西關陳賓處女年二十五而寡撫一子十六歲亦夭翁以年老痛切子孫惟日夕悲泣氏思翁體素健尙可誕育泣勸翁曰媳不幸邁此閔凶望翁自愛願更立庶姑事尙可爲翁淚如綆糜勉徇其請尋置妾連舉二子氏念庶姑少未習事且不欲紛其乳哺志一切操作悉以身任翁

年七十餘卒而長叔已就婚矣後以次叔有二子擇其長子承夫嗣氏年至九十守節六十五年

徐陳氏西洲廩生陳碧山女適本鄉監生徐沛恩子世祥祥因事繼母得瘵疾呻吟床簀垂十餘年而歿醫藥喪葬氏悉鬻簪珥衣物以集事夫歿時遺孩僅六歲撫孤過勞遂至足疾後受室弄孫僅五年其子亦死與媳育孫勤操作一燈熒熒機軋之聲往往達旦守節數十年而卒

吳姚氏石灘吳藩長妻金蘭寺貢生姚世會女年二十三而寡姑老子幼饘粥之需賴氏十指以給幸姑體

健常能助操作旋以子及年趣爲之受室抱孫亦早
時同鄉有郭氏者犀瀝溘生員家鳳長女監生吳士
愛妻亦年二十而寡無子誓不改適事舅姑以孝聞
夫弟邑庠檢使子衛鑾爲嗣撫如已生援例入國庠
郭年五十三而卒人俱以節孝稱之

毛曾氏烏石村毛作璋妻年二十于歸生女二璋忽發
狂疾自縊死氏痛之泣集房族立嗣畢語人曰吾夫
宗祧有人氏亦從夫逝矣竟絕食死嗟乎婦人之義
從一而終如曾氏者從容殉節是可風矣

顧鄭氏石灘顧時躍妻邑城內監生鄭飛池女夫殞時

鄭年二十一懷妊五月遺腹舉一子至十歲暴殤鄭
忍痛強顏隣妯疑有異志鄭弗言亦弗恤也姑老且
病一切滫瀡醫藥黽勉以供枕邊淚痕堂上色笑惟
默默自喻而已後爲夫擇嗣撫養成立

列劉氏塘口貢生劉東章女年二十歸碧江列聖任爲
妻越二載夫殞翁無他子痛幾喪明劉婉轉慰解曲
意承順翁姑藉以少慰旋乞翁爲夫擇嗣經營婚娶
氏以身任焉守節三十八年翁年九十四嘗語人曰
子養不如媳養其賢可知矣

單陳氏元洲貢生單聯拔子上登繼室橋頭村陳庭芳

長女年二十二歸數月而夫殞遺腹生一子亦天氏
念前室有遺孤弱女兼以姑老且病一死不足塞責
仍恭執婦道撫育子女珍如己出婚娶無私焉陳年
高耆壽孫亦數抱子矣上登一門蹶而復振陳之力
也

郭單氏犀瀝潯郭梅伍妻岡貝單敦良女年二十八夫
故無子矢志靡他時舅姑年俱八十餘氏孝事惟謹
及歿喪葬盡禮擇繼嗣子養浩僅二歲鞠育至於成
立後氏年登上壽

鄭毛氏高賢鋪鄭國球妻年二十歸球惟姑在堂逮事

踰年而歿數月球又殞無子僅遺幼叔國通五齡毛
撫育教誨至於成人家貧日勤針帶紡績足跡不出
戶外至春秋掃墓必偕小叔往哭盡哀族黨嘉其節
孝遇祀給胙禮之矢節五十年壽至七十餘後國通
生子二以一子與毛爲嗣士論躋之

湛鍾氏番邑東向人年十八適沙貝湛廣厚性貞靜非
提汲足不越壺三載夫逝時翁姑年已老家徒壁立
鍾紡織以供菽水翁性卞急鍾婉順且得歡心焉母
憐其無子諷以改適不爲奪姑死哀毀盡禮越數月
鍾邁疾自知不起語所親善爲翁計因長號失聲曰

吾死無所恨但恨不得後翁死終婦道爲可惜耳氏死翁亦相繼而卒苦節四十餘年

湛貞女沙貝人受同里伍文與聘與十八歲外出生理久無音耗湛矢志待字越數載與父聽其改適請諸湛家湛聞悲泣自矢靡他卒歸于伍年八十四卒

盧貞女許字石灘顧真乾未歸而乾卒女年十七聞訃卽絕粒母慰之佯許其終節申志乃漸進食旋察母有異志密約媒氏某乘間素服導奔夫墓展哀畢徑詣舅家涕泣請留舅憫其誠許之自入顧門非舅姑定省所雖娣姒希得見面後嗣伯子某苦節六十年

列貞女碧江列佐君女許字麻車劉細楊性端慧粗曉文義每閱節孝傳輒忻慕之年十九聞夫訃一慟幾絕泣告于孀堅意奔喪父母終以其年少難之有慰之者女默然不語及暮竟投繯而死事聞於舅姑乃迎柩入夫墓攢穴同葬焉後夫兄命已子明歡承嗣嘉慶二十年九月事也

陳黎氏箕裘岡監生陳士元妻東莞鳳涌黎瑞昂女夫卒年二十二孤甫三歲氏矢志撫孤足不越戶限舅家素裕絕少歸寧律身之嚴人無可議守節三十餘年卒年五十九邑令趙俊詳准旌表

劉盧氏出縣城會僊里適麻車鄉劉士祥性端靜知書
曉大義年二十一而夫殞欲以死殉旋以舅姑婉諭
而止勤修婦道女工之暇嚴課嗣子同里娣姒惟一
以禮法相規勸嗣子世永後入成均品行端慤皆閭
教也邑令趙俊詳准 旌表

何劉氏南學村 敕贈儒林郎何春濤妻年二十生子
偉僅十月而春濤卒矢志守節翁家素饒裕劉粗衣
糲食習女工無停晷至供翁姑甘旨寒燠及延師訓
子雖重費不吝人益賢之年五十卒嘉慶間邑令詳
准 旌表以子偉授布政使司理間職援例 敕贈

六品安人其孫曾蒸蒸庠序節孝之報洵不爽云

劉陳氏麻車監生劉天申妻捐職府經歷陳德寶女年
二十七寡遺孤熙甫四歲氏撫之慈嚴並至熙弱冠
遊庠序姑鍾氏暮年日瞽陳善事惟謹及歿喪葬盡
禮守節三十餘年閩德爲鄉里所推重邑令趙俊詳
請 旌表

馮貞女仙塘馮華國女麻車劉裔昌聘妻初華國館于
其鄉因許字焉聞裔昌卒馮因母以告於父曰兒得
爲劉子婦足矣否則惟有死耳父見其志不可奪乃
許女奔喪事舅姑俱得其歡心歸劉七歲而歿

蕭劉氏塘頭蕭順寧妻貢生劉東章女年二十歸順寧婦道甚謹逾年夫之兄歿妻他適遺一女纔四歲劉撫如己出越五載夫喪無子矢志不二惟以紡績供舅姑甘脆及殫力舉二喪復爲夫立嗣娶媳并爲夫兄立嗣婚姪女迄今孫支蕃衍皆劉節孝所貽云

吳黃氏石灘吳儀印妻田尾郡庠黃志女年二十而寡無子母憐其少謀再適黃以死誓事舅姑以孝聞性勤儉刀尺針黹至老不倦以夫弟之子爲嗣撫育教誨卒能成立

賴張氏臘圃賴配京妻高埔張繁雪女年十九歸京逾

一二年京肄業省垣暴卒止遺一女姑見其年少轉語

女家聽改適氏聞言哀號不起翁見其志誠爲擇嗣子七歲卽援例入成均以慰氏志女適甘尚朱姓亦少寡氏益悲愴惟奉侍翁姑則執禮甚恭生平足跡不踰戶限終以痛夫外死及女失夫故成目疾年邁六十而卒苦節四十餘年

周何氏節婦泮村貢生周學濂側室生平以禮義自守有同族惡少某欲以非禮相干氏以其言污忿愧自經死邑令宣聽詳之於上憲乾隆五十四年巡撫郭咨部奉 旨旌表曰節烈可嘉

湛孝女沙貝湛肇支女雅瑤監生吳林樅妻年十四母
病餌藥不效乃禱天割臂欲和藥以進某伯母適以
事至女室見刀痕宛然顏色不變駭絕女泣訴曰勿
白吾母重我罪也母尋覺女志未遂而母疾亦愈都
人士相與賦詩紀其事鄰邑周孝廉星聚詩云脉脉
告神明空齋一割輕天從危處轉母向念頭生孝本
無奇節心難此血誠詩歌今不絕閨女竟垂名

湛莫氏孝婦沙貝邑庠湛寅妻姑病數月羣醫束手莫
自揣曰得毋臂肉可療乎蚤起携婢詣里中神廟虔
禱願以身代佯遣婢回家取物遂出懷中刃割臂肉

一鬻絕而復甦歸和藥以進姑疾遂愈莫瘡痕亦頓

合逾年生一子月餘忽翬眩移時而絕鄉里戚屬咸
惜之

黃勵氏番禺湓湖勵仲仁女五歲歸育田尾配黃明煥
子榕磊勵年十八始完婚踰年夫喪無子矢志守節
家貧紡績憑十指以養姑茹荼集蓼淡如也年八十
餘兩目俱瞽依姪秀應生理以養之

謝劉氏水南謝仁俊妻年二十歸謝七年而夫亡遺腹
生子琮一苦節孀居事姑至孝辛勤紡績以供菽水
歡四十餘年閭範克端宜家則卒年七十有四鄉

增城縣志 卷之二十五 三
黨咸稱其賢

湯周氏鶴嶺舖民湯怡輝妻歸期年而怡輝病故氏擗
擗滂涕鄰不忍聞扶柩就窆自投壙中欲死以殉以
某媼強挽不遂志歸卽絕食母憐其少頗露奪志意
氏聞益悲愴卽於是夜闔戶自經時年十九坊中紳
士聯請題 旌表

劉徐氏西洲庠生徐得金女年十二性幽潔父鍾愛之
授毛詩至柏舟篇傾耳聳聽兩背淚盈盈下人迂笑
之弗顧父知其能以苦節著也長適同鄉劉文白于
歸三載生二子不育而文白以讀書過瘁死徐哭之

哀死而復甦者再顧念夫兩世絕嗣身係宗祀存亡
亦隱忍之家有田十餘畝族屬因其無子覬其產而
利其嫁徐守志彌厲屢欲立嗣未果歲丙子年六十
二所居井水忽涸園中夫遺植枣樹一株亦枯死徐
太息泣曰吾志不獲申而嗣不克定矣因感而病鬱
鬱數月遂卒弟孝廉祖輩悲其志爲之擇嗣焉

黃鄧氏會仙里邑庠黃合宮妻相江鄧喬澤女本素豐
家歸黃後年三十卽食貧孀守不出里門者二十餘
年善事翁姑家無臧獲井白之事皆身親所生二子
一女日以孝慈勤儉率之曰人各有職勿謂髫齡可

嬉也今家貧祖老不思勤勞汝父所遺殘書數卷其
可以供菽水乎且汝祖年近古稀猶資館穀餬口汝
曹其忍自暇自逸也長子性慧令就學衣履膏火日
與幼女紡績以供次子令樵以佐爨間有餘錢必畧
市時新以進於舅姑欲其知寡幼不惰高年藉以稍
慰子體素弱幼學時恐其日間所讀未熟夏楚難勝
且傷厥祖心歸必然燈使誦紡於其旁深夜間不以
聞烏飲泣而稍間也每當風雨次子負薪未回則對
天號禱直至婚嫁畢子大觀補弟子員於心始慰而
紡績仍未嘗稍懈蓋習慣成自然也厥後羣孫娶婦
各曾孫發蒙製衣禪布被必以親紡績者爲之示以
成人入學宜知半絲半縷物力維艱之意迄壽年八
十有五猶每以饒魚故事爲諸孫婦及各曾孫女戒
焉孝慈勤儉耄耄不衰如此

姚單氏金蘭寺監生姚裕堂之妻也喜讀孝經及列女
傳年二十六生一子而寡遺姪復生一子氏矢志栢
舟事姑甚孝子雄邦雄瑞日就外傳夜則親爲訓迪
年五十跬步不出閫歲已卯邑令趙俊詳請旌表
姚賴氏塘邊姚文鐸妻年二十四鐸歿遺孤芝透甫二
齡賴杜門矢志養姑撫子族黨長幼罕得覲者年逾

八旬紡績不懈及子長列成均娶媳張氏生二子年二十八芝透輒逝張慟哭仆地幾不欲生復念姑老子幼悉心奉養人不間言姑媳水操俱邀 旌表

王趙氏長埔人自少許字棠村王飲爵爲妻母因家貧不能全活送歸壻家待年入門事姑孝謹彌年飲爵得病天亡趙氏臨哭昏絕者數次時年僅十六尙未完婚乃跪姑請照婦禮成服親自殯殮扶葬守靈哀泣母姑交慰陰有奪志之念氏覺大慟失聲者屢及三虞之夕乃投繯而死其捐軀殉節若性成焉

翟貞女南岡翟垂太之女自幼許聘龍尾岡莫孔裔爲

妻年十六未婚而裔已故垂太夫婦惜其年輕欲令改適女覺星夜僱轎至裔家同裔家人備香燭披帛掃墳卽回裔家堅守貞節數十年來不事裝飾而侍奉翁姑愛憐嗣子尤肫誠懇摯鄉鄰稱頌

陸貞女番禺烏涌歲貢生陸肇修之長女許字清湖都石下鄉監生劉毓芬長子賢秀年十八未婚賢故女矢志歸劉逾月卽歸哭掃於墓旁觀者莫不流涕平居衣食稍充猶勤紡績敬事翁姑不假侍婢行年六十七歲而終彼都人士咸稱節孝可風焉

陳梁氏橋頭監生陳世官妻潭頭梁德配之女年二十

歸陳數月夫故苦節孀守鄉鄰罕見其面嗣子惠湛課之不倦藉遊太學年六旬而終貞淑有足多者

王黎氏棠村王大剛妻城南邑庠黎連取女年三十而夫故抱五齡孤兒矢栢舟志并白親操紡績爲事年七十餘時述故夫遺囑勤儉之語以訓其子士正鄉黨賢之

王劉氏棠村王張權妻麻車國學生劉經著女夫亡年二十二子女未育家僅給贍堂上庶姑事如已母代夫擇嗣愛若親兒娶媳後抱孫早食指頗繁贍將莫繼氏青孀苦節終無怨言以上依舊志

劉李氏燈心山人劉富瀾妻年十四歸于劉十九生子榮光年二十夫卒李孀居履潔懷清事姑鞠子上供甘旨下和熊丸貞節靡他孝慈兼盡壽終九十歲咸豐八年奉旨旌表

賴梁氏湖塘埔賴錦儒妻家世力田至錦儒境益窘復早卒梁年二十九遺三子長者僅八歲少者在襁褓姑嫜妯娌皆已析居室無長丁田亦不能耕幾難存活父母欲奪其志則截髮自誓矢死靡他日惟手提長者背負幼者以陟山川草涉園灌蔬鬻以易米日一饘粥猶時不繼而處身愈苦勵節愈堅十餘年如

一日迨子既成立長子顯揚出嗣伯次聖揚依祖父于會城惟少者在家始稍稍能自給而年力亦漸老矣梁性最慈愛于族中童稚無所歧視而兒童亦樂依之每所至繞膝盈前親疏不復能辨兒童有啼者病者得其撫療輒就寧貼中宵叩門聞呼卽至不稍厭倦尤敬禮神道或遇水旱輒于子夜焚香禱天時有奇應年八十五有玄孫二人有司聞于朝以節孝旌其門並 敕以五世其昌字 給價建坊八十九歲卒後以孫際熙官翰林 覃恩贈淑人媳何氏爲聖揚側室聖揚筮嚙運居韶州何常侍之生二女

一子時梁年老日失明聖揚棄所業挈家歸養歸一年聖揚卒何年二十九子女俱幼率之與梁同室居自飲食卧起以至沐浴便溺皆何扶掖而抱負之夏則扶至樹陰納涼冬則扶至牆隅負暄已則携杼柚紡績于旁以順承色笑所生子際熙方就外傳日必親送至塾夜則一燈課讀得閒必泣述先人言行及身世艱虞事以策勵之故際熙發奮讀書成進士官翰林迎養至京 本朝令典命婦不以節旌門逢慶典誥封三品淑人

陳邵氏湖都新街鄉

誥贈光祿大夫容秋之妻賦性

寬和操行勤儉容秋中年航海經商而支持井白龜
勉有無仰事俯畜秩然有序使容秋無內顧憂得以
專志營業積累致富者多其相助之力也家既殷厚
性尤樸素裙布荆釵不改常度年壽益高氣體亦日
加強固寒不御棉暑不曳葛起居晏然鄉黨化之成
爲美俗容秋沒後教子詔孫皆成名德邵實主之子
熙泰光緒癸巳科登賢書孫念典癸卯科成進士以
子孫貴先後封贈至一品夫人

林黃氏縣城高賢舖進士榮河縣知縣林樹儀妻舉人
大挑知縣黃應桂之女也習內則明大體年二十九

隨任榮河夫卒于任宦囊空竭黃罄鬻簪珥歸櫬以
葬中途遇亂道路梗阻閒關數月艱苦備嘗歸家四
壁蕭然翁老孤幼境愈難堪黃乃日勤紡績針黹以
資事畜君舅九十生辰時黃命子徧致親友爲製錦
稱觴祝嘏不以貧窶廢慶典曰人生最難得者上壽
况爲通籍家封翁不博其歡將益其感耳鄉里賢之
子連魁生有勇畧黃命投筆從戎後以隨營積功游
至五品銜

陳張氏橋頭增生陳鴻達妻高埔廩生張 女知書

曉大義年二十九夫殞初欲以身殉繼念上有舅姑

下有孤兒女皆吾夫所寄託於未亡人者殉則夫將不瞑矣乃苦節孀守仰事俯畜井日躬操食貧無怨承家翁好學意每至夜分猶作生教子一燈熒熒讀書聲紡績聲風雨不輟後經紀翁姑喪葬悉如典禮兒女婚姻咸已完畢鄉人稱賢婦焉

楊曾氏烈婦鳳池楊明德繼妻于歸三載未育子女明德卒曾躬視含殮畢卽仰藥自盡以殉

蔡貞女西山人自幼許字廖村廖玉成未過門玉成以故赴外洋久不返女待字至年二十有五父母議改配貞女泣曰女當從一而終豈能中道更變父母不

聽女聞別家將委禽遂逃歸玉成家入門後安貧事姑日樵採耕作夜紡績以資菽水養生送死無所憾苦節數十年能以勤儉蓄積置薄產立嗣子以承宗

祀

張崔氏賢都潭村張季聰妻質懿嫩性柔淑自持以禮于歸甫七日適賊劫其村被擄去崔度不免竊刀自刎死後猶倚柵不仆厲色怒目若罵賊狀

湛貞女沙貝鄉湛翼卿女也受聘吳氏未嫁值丙戌廣州失守投井而死吳生乃迎喪以歸

陳彭氏慶都橋頭庠生陳夢熊妻二十三歲寡守節二

十三年

陳温氏陳容順妻十八歲寡守節四十一年

陳黎氏陳亞潮妻十八歲寡守節七十六年

陳王氏陳緝熙妻十八歲寡守節七十五年

陳曾氏陳連据妻二十一歲寡守節四十年

陳徐氏陳聖詔妻 以上俱橋頭人

陳王氏牛都馬車排陳曉輝妻二十六歲寡守節六十

二年道光朝 旌

陳劉氏陳瑞珍妻十六歲寡守節五十四年

陳劉氏陳炳文妻廿一歲寡守節四十五年

陳何氏陳慶安妻二十八歲夫遠出失踪何在家苦守

四十一年 以上馬車排

陳王氏都田村民陳成鈺妻二十一歲寡守節五十五

年

陳成氏陳王氏子鴻清妻二十六歲寡現存八十五歲

姑媳雙節

陳何氏陳元瑞妻二十歲寡守節五十四年 以上俱都

陳王氏烏頭石村民陳繼昌妻二十歲寡守節二十一

年

陳劉氏大步口村民陳昌杰妻二十八歲寡守節三十

六年

陳黃氏大步口村民陳東發妻二十五歲寡守節四十

三年

陳溫氏寧都箕裘岡人陳餘波妻十九歲寡守節靡他

陳曹氏箕裘岡鄉民陳潤桐妻二十歲寡守節數十年

陳何氏箕裘岡人陳顯邦妻二十三歲寡守節二十九

年 旌表曰清標彤管

陳何氏寶田坊人陳靈好妻二十四歲寡守節四十四

年 旌

陳林氏貞女寶田坊人陳世恩聘妻以夫未婚遠出過

門守貞苦節十四年

陳張氏箕裘岡人陳顯珠妻二十四歲寡守節六十二

年 旌

陳列氏箕裘岡人陳桂祥妻二十四歲寡守節五十六

年 旌

陳劉氏橋頭坊人陳柱祥妻二十四歲寡守節十二年

陳劉氏橋頭坊人陳應秋妻二十九歲寡守節六十年

旌

陳阮氏橋頭坊人陳土旺妻二十五歲寡守節四十年

陳吳氏藍田坊人陳祖坤妻二十九歲寡守節數十年

同治朝 旌

陳劉氏藍田坊人陳澄湛妻二十五歲寡現年七十八歲

陳何氏寶田坊人陳鳳昌妻十八歲寡守節三十四年

光緒朝 旌

陳黃氏寶田坊人陳章允妻二十四歲寡守節十七年

陳阮氏寶田坊人陳靈貫妻二十三歲寡守節二十一年

陳吳氏下基村人陳靄如妻二十一歲寡現年六十八歲

陳劉氏貞女下基村人陳平聘妻夫往金山卒過門守貞現年七十七歲

陳何氏下基村人陳遇輝妻二十五歲寡現年五十六歲

陳魏氏凹頭村人陳元傑妻二十四歲寡守節六十年

陳古氏凹頭村人陳大常妻二十歲寡現年七十五歲

陳林氏古壘村人陳應波妻二十四歲寡現年七十五歲

陳程氏山尾村人陳順禎妻二十三歲寡現年七十八歲

陳湯氏龍門埔村人陳貯承妻早寡守節七十餘年

陳湯氏龍門埔村人陳贊多妻二十三歲寡守節六十

六年 以上福都人

陳何氏石灘鄉民陳潏妻潏卒何年二十一守節不二

養姑鞠子卒膺 旌表

劉李氏麻車劉嘉谷妻歸未匝月寡守節數十年卒膺

旌表以嗣子子鎮封淑人

劉陳氏麻車劉海沾妻二十六歲寡守節二十四年

旌表祀節孝祠

劉單氏麻車劉經國妻早寡守節五十餘年

劉顧氏麻車劉瑞鏞妻二十六歲寡守節二十七年

旌表

劉吳氏麻車劉文熾妻早寡守節四十九年

劉顧氏麻車劉存誠妻二十三歲寡守節三十一年

劉何氏麻車庠生劉汝蘭妻二十九歲寡守節四十六

年

劉單氏劉從政妻十八歲寡守節四十五年

劉張氏劉兆羣妻十九歲寡守節三十四年

劉蕭氏劉國樑妻夫死殯殮畢仰藥以殉

劉何氏劉任可妻少寡守節四十餘年

劉阮氏監生劉文鍊妻二十六歲寡守節二十九年
旌表祀節孝祠

劉張氏武生劉均妻二十九歲寡守節二十七年
旌表祀節孝祠

劉阮氏劉美珍妻十九歲寡夫家父家均欲奪其志投
縵以殉

劉顧氏貞女生員劉受爵聘妻未婚夫歿聞訃痛哭絕
粒以殉

劉陳氏劉協和妻一十三歲夫卒三月之後自經以殉
劉列氏劉鏡澎妻歸二載夫死誓以身殉葬後會重九

往掃新墳覓便自經

劉葉氏劉林遠妻十七歲歸數月夫死殯葬畢自縊

俱麻車人

劉單氏劉學海妻二十二歲寡守節六十年

劉吳氏劉承富妻二十八歲寡現年七十四歲

劉張氏劉智合妻二十三歲寡守節四十年

劉潘氏劉義祥妻二十四歲寡守節四十七年

以上三人俱浸木潭

劉陳氏牛都粟沙山劉增元妻二十五歲夫卒守節四
十九年

劉王氏牛都燈心凹劉富波妻早寡守節慈撫嗣子且有義方卒時五世同堂道光二年旌表

劉吳氏上都廣隆村劉獻邦妻二十四歲寡現年五十八歲

劉黃氏橫壘劉華試妻二十八歲寡守節十九年

劉曾氏橫壘劉祖樑妻二十八歲寡守節二十五年

劉黃氏橫壘劉洪樹妻二十八歲夫殞守服八十日旋仰藥以殉今祀節孝祠

劉羅氏上都廣隆村劉衛元妻二十歲寡現年七十六歲

劉羅氏橫壘劉連光妻二十四歲寡守節五十一年

劉毛氏橫壘劉國垣妻二十三歲寡現年五十五歲

劉毛氏橫壘劉萬歡妻二十五歲寡守節三十八年

劉溫氏梅都瑤前面劉新元妻二十二歲寡現年六十八歲

劉黃氏梅都瑤前面劉高祺母二十一歲寡現年七十二歲

劉湯氏梅都瑤前面劉贊徽妻十八歲寡守節六十二年

劉王氏瑤前面劉明華母十八歲寡守節六十四年

卷之二十一 人物八 列女

劉温氏瑤前面劉銘謙妻二十一歲寡守節十七年

劉莫氏劉佳木妻烈婦乾隆朝 旌表

劉吳氏劉應桂妻早歲夫歿初欲殉節繼念姑老孤幼

乃忍苦孀守卒後 旌表

劉陳氏寧都三丫潭劉慶全妻二十四歲守節而終

吳阮氏雅瑤吳明成妻二十歲寡守節六十餘年

吳盧氏吳禮經妻十九歲寡守節撫孤十四年子天仰

藥自盡

吳黃氏吳亞為妻二十歲寡守節六十年

吳列氏吳晚景妻二十歲寡守節六十年

吳梁氏吳蘭馨妻二十歲寡現年七十歲

吳劉氏吳炳勳妻二十歲寡守節三十六年

吳馮氏吳絳桃妻二十二歲寡守節四十四年

吳黎氏貞女吳琪昇聘妻奔喪守節現年六十有二

吳盧氏吳禮宏妻二十三歲寡守節四十有二年

吳黎氏吳泌陵二十歲寡守節五十八年 以上俱寧都雅瑤人

吳何氏寧都上基吳配坤妻二十四歲寡守節六十三

年

吳張氏甲水龍吳敬義妻二十一歲寡守節六十一年

吳鄭氏吳大魁妻二十一歲寡守節四十有八年登膺

封贈

吳何氏張氏子吳贊伯妻二十三歲寡守節四十八年
姑媳雙表節孝

吳馬氏吳偉義妻二十四歲寡守節四十餘年同治朝
旌

吳何氏附貢吳朝輔妻三十歲寡守節三十年

吳楊氏庠生吳雲龍妻二十二歲寡守節三十二年

以上俱上都甲水龍人

吳羅氏雲都山角吳卓汝妻二十五歲寡守節四十一年
年

六歲

吳鍾氏梅都黃沙涸人佚其夫名十八歲寡現年五十

張黃氏城內居民張春華妻十七歲寡守節二十一年

張王氏牛都科甲堂張家魁妻二十二歲寡守節二十

九年

張蘇氏科甲堂張悅昌妻十八歲寡守節五十六年

張陳氏山猪山張立貴童養妻十二歲寡現存六十五

歲

張楊氏上都仙塘村民張文奕妻二十六歲寡守節五

十八年光緒朝 旌

張劉氏張為高妻廿七歲寡守節二十七年

張黃氏張全學妻二十四歲寡守節三十六年

張單氏張映堂妻二十五歲寡守節四十三年

張賴氏張平莊妻二十六歲寡守節五十二年

張何氏張世正妻年二十八寡守節四十年

張何氏張義為妻二十三歲寡守節四十四年

張單氏張世廣妻二十三歲寡守節四十七年

張單氏張炳增妻二十歲寡現存年六十三歲

張劉氏張子有妻二十四歲寡守節四十年

張馮氏張南妻二十一歲寡守節七十二歲

張陳氏張瑞端妻二十一歲寡守節二十七年光緒朝

旌

張顧氏張士堪妻二十九歲寡守節二十六年光緒朝

旌

張列氏張文漢妻二十四歲寡現存五十八歲

張顧氏張流光妻二十八歲寡現年六十五歲

張劉氏張祖錫妻二十七歲寡現年五十七

張顧氏張敬尊妻二十八歲寡現年六十七歲以上俱佃塘人

張林氏梅都高埔張尹悅妻二十四歲寡守節二十八

年膺旌

張吳氏龜峯舖民張星妻星卒吳年二十四守節不
二
養姑鞠子卒後 旌表

張陳氏城內西郭巷民張律妻律卒陳年二十六苦節
孀守事姑鞠孤卒膺 旌表

單何氏單明揚聘妻奔喪不遂自縊以殉

湯鄧氏北門龜峯舖湯顧子妻二十七歲寡守節五十
年

湯何氏卽湯鄧氏子湯泰麟妻十九歲寡守節六十一
年姑媳同 旌祀節孝祠

湯劉氏北門湯祖敬妻二十六歲夫歿絕粒十五日以

殉

湯鄭氏湯偉度妻二十七歲夫歿守節數十餘年

湯謝氏湯應甲妻二十九歲夫歿守節三十一年

湯葉氏湯廷光妻二十六歲寡守節六十餘年以上俱北門人

湯李氏梅都斗岡湯良材母爲孝子廣生姊妹行十六
歲寡守節六十餘年

湯龔氏湯綱立妻 以上俱福都濠徑人

鄭廖氏城內馬站巷鄭朝伯妻年二十三夫卒無子守
節終膺 旌

鄭王氏牛都西湖灘鄭品佐妻十八歲寡守節六十八

年

黎何氏城南慶隆舖民黎濂妻濂卒何年二十六守節
不二養姑鞠子卒膺 旌表

黎陳氏福都里汾村民黎世琮妻歸黎數月而寡守節
六十年

黃劉氏秀水舖民黃澍清妻二十五歲寡守節四十年
黃袁氏城南居民黃昭妻昭亡黃年二十二守節撫遺
腹一孤子卒膺 旌表

黃鍾氏雲都永興村民黃滿福妻十七歲寡現年七十
七歲

黃張氏賢都岡凹村民黃世英妻二十歲寡守節五十
七年

黃江氏梅都石龍頭村民黃某妻二十五歲寡守節五
十三年

黃朱氏貞女福都田美村黃潮清聘妻未婚夫亡聞訃
奔喪守貞二十餘年

黃單氏庠生黃際隆妻二十四歲寡守節二十餘年

黃郭氏黃廻祥妻二十二歲祥死守節三十四年

黃吳氏黃佐邦妻二十四歲寡守節至三十餘年

黃陳氏黃榕爽妻歸門一載夫亡投繯以殉 以上俱田美人

黃宋氏福都大洞村民黃進妻二十歲寡守節五十四年

王周氏慶都棠村民王文貫妻二十三歲寡守節五十年 旌

王周氏監生王壯猷妻二十七歲寡守節三十一年子如璋縣學生

王謝氏王閏冬童養妻未婚夫歿矢志守節現年六十七歲

王陳氏王國鈞妻二十四歲寡守節五十二年 旌
王黎氏王臣妻二十七歲寡守節二十四年 旌表

王黎氏庠生王秋鶚妻二十五歲寡守節二十三年
王蔣氏王觀棋妻二十歲寡現年五十七歲 以上俱棠村人

王潘氏王和隆妻二十三歲寡現年七十九歲
王潘氏王鴻鉅妻二十八歲寡守節六十四年同治朝

旌
王何氏王鴻鉅子和暢之妻二十四歲寡守節六十二年

年
王李氏王鴻鉅孫懷智之妻早歲寡守節四十年一門

三節孝萃焉 以上均牛都秋楓四人
王潘氏梅凹王鴻榮妻二十四歲寡守節六十年同治

會成縣志 卷二十五 人物八 列女 三

朝旌

王陸氏梅凹王德妻二十一歲寡現年六十一歲

王鄭氏梅凹王達昌妻二十九歲寡守節六十八年

王張氏馬鼻嶺王辰弼妻二十歲寡守節七十三年咸

豐朝旌

王葉氏正果洋王朝柱妻二十八歲寡現年五十八歲

王余氏正果洋王清勝妻二十三歲寡守節四十二年

王劉氏石子埔王永昌妻十八歲寡守節四十六年

王陳氏珍珠凹王文永妻二十二歲寡守節四十一年

王謝氏珍珠凹王金蘭妻十九歲寡現年五十一歲

王陳氏霞蔚村民王燦妻十七歲寡守節六十二年

王李氏新周堂王德輝妻十六歲寡現年六十二歲

王陳氏茅坡王繼三妻二十歲寡守節五十二年

王潘氏大汾村王清來妻二十三歲寡現年六十二歲

以上俱牛都人

賴黃氏賢都臘圃鄉賴元彪妻二十二歲寡守節十九

年入郡節孝祠

賴王氏臘圃賴大源妻二十一歲寡守節二十餘年道

光庚戌旌表

賴鄭氏牛都麻山賴應康妻二十四歲寡現存七十六

歲

賴王氏石下村賴昌妻二十四歲寡守節壽終膺 旌

朱劉氏雲都朱村朱紫袍妻十四歲于歸數月而夫殞

氏矢志靡他守節十六年

朱郭氏朱言瑞妻十八歲寡守節二十年

朱袁氏朱福兆妻十九歲寡守節二十年

朱郭氏朱劉瑞妻十八歲寡守節六十餘年

朱劉氏朱錦榮妻二十八歲寡現存五十二歲

朱單氏朱恕倫妻早喪夫守節五十年

朱吳氏朱恕倫子健常續妻早喪夫守節五十餘年

朱何氏朱恕倫孫媳健常媳守御所千總銜應棠妻早

歲寡守節五十四年 以上朱村人

郭張氏福都池嶺郭坤朝妻二十二歲寡守節八十三

年

郭陳氏福都官塘鄉民郭瑾華妻十九歲寡守節七十

四年

郭黃氏池嶺郭萃亨妻二十二歲寡現存九十三歲

郭陳氏官塘鄉民郭肇幌妻二十歲寡守節六十八年

郭鄒氏池嶺郭耀勳妻十八歲寡守節四十六年

郭羅氏池嶺郭詒祥妻廿四歲寡現年六十一歲

郭黃氏雲都朱村民郭趙煥妻二十歲寡現存五十六歲

郭朱氏郭亞牛妻二十一歲寡現年六十一歲

郭朱氏郭守玉妻二十一歲寡現存五十八歲

郭董氏下都犀瀝滢郭世炫妻年十九歲寡守節三十三年

三年

郭姚氏犀瀝滢郭明耀妻二十九歲寡守節二十八年

郭李氏池嶺監生郭漸遠妻二十一歲寡現年八十二歲

郭陳氏池嶺監生郭勛祥妻凹頭附生陳蘭谷女二十

一歲寡現年六十三歲

郭吳氏寧都郭村民郭汝和妻早歲夫死守節六十年

郭吳氏郭村郭種枝妻于歸一載夫往外洋卒守節六十餘年

十餘年

郭吳氏郭村郭福祥妻少寡守節四十餘年

郭梁氏郭村灼邦妻明著母二十四歲寡守節三十年

何陳氏牛都龍田圍民何超纘妻二十二歲寡守節五

十年

何王氏龍田圍何國祥妻二十歲寡守節三十二年

何黃氏何玉宏妻二十二歲守節數十年終

何王氏龍田圍何繼祥妻十九歲寡守節至終

何羅氏雲都蓮塘面何李保妻早歲守節不變

鍾楊氏雲都燕岡村民鍾芳宗妻二十歲寡守節六十

年

鍾沈氏屋場山民鍾奕旺妻二十八歲寡守節五十一

年

鍾羅氏屋場山民鍾奕琅妻二十六歲寡守節二十九

年

鍾羅氏鳳元頭村鍾發英妻二十五歲寡守節四十七

年

鍾羅氏熊巖嶺鍾毓梅妻二十三歲寡守節以夫弟兆

清官遊擊加一級 賜贈淑人

李鄧氏城內李邦美妻年二十四夫卒無子守節至老

膺 旌表

李林氏龜峯舖民李孔興妻年二十六夫卒守節不二

養姑鞠子至老膺 旌表

李吳氏陳路邊李夢庚妻二十一歲寡現存六十餘歲

趙單氏雲都高車趙光楓妻二十餘歲寡守節三十年

旌

趙姚氏趙德顯妻二十歲寡守節四十一年

趙陳氏趙德琛妻二十四歲寡守節四十年

趙劉氏趙德篆妻二十歲寡守節三十年

趙吳氏趙承載妻二十五歲寡守節三十年

趙馮氏趙承暢妻二十歲寡守節二十三年

趙賴氏趙亞養妻二十歲寡守節五十年

趙朱氏趙德詡妻早寡守節三十五年

趙陳氏趙克由妻二十五歲寡現存六十二歲以上高車人

趙劉氏何嶺趙承合妻早寡守節三十年

梁黃氏城內秀水舖梁亞滔妻二十一歲寡守節四十

一年

梁張氏慶都橫棟嶺民梁爵文妻二十一歲寡守節六

十二年

梁曾氏賢都鄧山村民梁三綱妻二十一歲寡守節七

十年

梁賴氏卽梁曾氏子梁喚卿妻十九歲寡現存六十五

歲姑媳相繼守節

梁趙氏福都良田梁福超妻守節五代同堂

蔣黃氏城內居民蔣榕極妻二十七歲寡撫孤守節至

老

蔣張氏福都梯橫居民蔣起琳妻二十歲寡守節六十

年

蔣朱氏蔣肇華妻二十四歲寡守節三十六年

蔣温氏蔣煊伯妻二十三歲守節六十年

潘劉氏慶都塘下村民潘元欽妻十二歲寡守節數十年

潘吳氏潘元錄妻早寡守節三十餘年

潘胡氏潘庚年妻十六歲寡守節五十九年

潘駱氏潘錫榮妻二十二歲寡守節三十六年

潘石氏潘成珍妻二十歲寡守節四十年

潘梁氏潘成相妻二十二歲寡守節七十年

潘賴氏潘定程妻二十五歲寡守節七十一年

潘張氏潘三朋妻二十歲寡守節五十二年

潘鄭氏潘元美童養妻未婚夫殂矢志守節現六十歲

潘吳氏潘元鏡妻二十七歲守節現六十餘歲以上俱塘下人

潘郭氏慶都沙厂村潘定模妻十八歲夫歿守節五十

六年

潘吳氏沙厂村潘成俊妻早寡守節六十年

潘邱氏賢都鄧鷓鴣民潘定震妻十七歲寡守節六十

六年

羅林氏雲都山角村民羅伯壽妻二十九歲寡守節六

十八年

羅潘氏賢都青徑羅昌信妻二十四歲夫死守節六十

三年

羅陳氏萇園附生羅清鑑妻二十九歲寡守節四十年

羅劉氏青徑羅榮開妻歸數載夫殞矢志守節四十四

年

羅魏氏寧都百湖庄民羅榮陞妻二十八歲寡守節四

十五年

羅鍾氏寧都羅紹華妻二十七歲寡守節二十二年

羅鍾氏羅炳才妻十九歲寡守節現年六十九歲

羅朱氏雲都何嶺羅萃中妻二十歲夫卒守節五十年

溫賴氏梅都大埔民溫立拔妻十七歲夫卒守節六十

九年

溫霍氏寧都上沙濠溫士降妻二十二歲寡守節四十

年

溫劉氏上沙濠溫金杭妻二十四歲寡現存六十三歲

溫劉氏福都福洞溫鳳書妻二十九歲寡守節三十三

年

溫藍氏楊梅田溫際敏妻十八歲寡守節至終

溫方氏溫祥妻二十二歲寡守節五十一年

溫鄭氏溫三嬌妻二十七歲寡守節二十年

溫楊氏溫彩妻二十八歲寡守節十九年

溫朱氏溫光儒妻十八歲寡守節四十八年

溫李氏溫飛香妻十八歲寡守節七十三年

溫李氏溫華昌妻二十九歲寡家苦子幼至老不二以上

俱楊梅田人

溫陳氏慶都山下溫耀星妻二十二歲守節終身

林盧氏北門龜峯舖民林景先妻年二十五夫卒無子

守節至老膺旌節孝

林單氏寧都仙村林乙藜妻二十五歲寡現年七十一

林曾氏寧都謳思涵林范養妻二十二歲守節至終

毛黃氏貞女福都蓮塘毛榕灼聘妻十七歲未婚夫亡

奔喪守節五十餘年

毛趙氏毛穎川妻二十九歲寡守節四十二年

毛趙氏毛士芬妻二十歲寡守節四十五年

毛陳氏毛慎威妻二十八歲寡守節五十年

毛黃氏毛恆柱妻二十二歲寡守節五十年

毛劉氏毛揚鑣妻早寡守節終身以上蓮塘人

毛朱氏毛自平妻二十九歲寡守節五十年

毛趙氏福都烏石村人毛朱炯妻十九歲寡守節終身

毛劉氏毛麗村妻二十一歲守節終老

毛梁氏毛村毛富歲妻二十三歲夫殞守節四十七年

毛陳氏毛景中妻十九歲寡守節三十年 旌

毛胡氏毛瑞琚妻二十八歲寡守節三十六年

毛朱氏毛容芳妻二十歲寡守節二十年

毛朱氏毛琮羨妻二十四歲寡守節至終

毛郭氏毛水祥妻十八歲寡守節二十一年

毛吳氏毛延派妻二十七歲寡守節五十二年

毛馮氏毛瀾中妻二十六歲寡守節二十六年

毛劉氏竹園毛洪健妻二十六歲守寡終身

毛何氏高埔毛萃生妻早寡守節五十五年

毛龔氏毛溢生妻三十歲寡守苦節四十二年

阮毛氏寧都南山阮朝光妻二十四歲守節以終

阮陳氏南山阮佐吾妻十八歲寡現年六十三歲

阮鄧氏南山阮炳林妻二十歲寡現年五十一歲

顧劉氏顧榕廣妻烈婦道光二十八年 旌表

顧單氏顧天福妻崇正年間賊擾村死節 旌

顧溫氏顧紹純妻年十九紹純亡守節鞠遺腹子至老

膺 旌表

顧劉氏顧浩年妻歸寧遇賊投水死

列何氏仙村下境列兆泰妻少年寡守苦節數十年光緒朝 旌子大魁武進士

列霍氏仙村下境列錦波妻二十餘歲寡守節四十年光緒朝 旌

列湛氏仙村下境列耀南妻早寡孀守苦節光緒朝 旌

盧單氏盧永振妻烈婦乾隆朝 旌表

盧温氏湖都水圍村盧有清妻二十歲寡現年六十四歲

鄧尹氏梅都戴嶺鄧世京妻二十歲寡守節二十餘年

鄧蔣氏卽鄧尹氏子朝先妻二十六歲守節現年六十二姑媳雙節

鄧黃氏福都里汾鄧華照妻二十四歲守節至終

邱尹氏慶都蓮塘邱觀龍妻二十七歲守節終身

邱鄧氏蓮塘邱鴻保妻二十四歲守節終身

楊馬氏上都竹子溪楊王科妻二十歲守節至終

伍徐氏沙貝武生伍璧光妻番禺橫江徐某之女二十歲寡守節四十四年

伍湛氏沙貝伍瑞清妻同鄉湛信揚女二十歲寡守節四十五年

伍莫氏沙貝伍世昌妻東莞東埔莫仲卿女十六歲寡
守節至今七十七歲

馬陳氏上都西爪嶺馬麟書妻二十二歲寡守節終老
馬成氏西爪嶺馬宗活妻二十四歲守節至終

廖趙氏福都白石崗廖成昌妻二十二歲守節終身
曾李氏雲都庄水會進發妻二十八歲守節終身

甘陳氏雲都甘新村甘獻邦妻二十二歲守節至終
謝葉氏福都鄭岡整謝崙妻二十二歲寡守節終身
刁鄒氏寧都木馬村刁容秀妻十八歲守節終身

宋潘氏梅都小徑宋桂香妻二十四歲寡守節七十一

年道光朝 旌

熊周氏梅都腊田埔熊贊堯妻二十二歲守節至終

范羅氏福都福洞范大琛妻十八歲守節至終

范廖氏福洞范掌妻十八歲守節至於終身

范鄒氏福洞范烈光妻早寡守節四十三年

范林氏范曰隆妻十九歲寡守節七十年

范溫氏福洞范鑑光妻二十四歲夫亡守節三十七年

與鄒氏妯娌雙節

范李氏范魁妻十八歲守節至於終身

范李氏范魁嗣子應其妻二十三歲寡姑媳雙守節終

范鄒氏范家勳妻二十七歲寡守節四十六年

石朱氏雲都石山田石翹東妻二十五歲守節終身

石張氏梅都春坑石某妻守節七十三年 旌

吳陳氏寧都田心村吳祥光妻二十三歲寡守節四十

六年

吳列氏田心吳旭華妻二十七歲守節終身

吳陳氏田心村吳長庚妻二十八歲守節終身

陳吳氏陳紹源妻 陳戴氏陳大中妻

陳杜氏陳星妻 陳曾氏陳祚繁妻

陳單氏陳觀悅妻 陳秦氏陳朝爵妻

陳崔氏陳五燕妻 陳吳氏陳平量妻

陳何氏陳儼舒妻 陳顧氏陳盈中妻

陳徐氏陳朝勝妻 陳尹氏陳亞茂妻

陳何氏陳洪植妻 陳吳氏陳成安妻

陳劉氏陳金鑑妻 陳黎氏陳滙川妻

陳湛氏陳全興妻 陳湛氏陳昌熾妻

陳彭氏陳國昌妻 陳黎氏陳容豔妻

陳黎氏陳品端妻 陳李氏陳錫周妻

陳廖氏陳端佐妻 陳郭氏陳厚培妻

劉王氏劉祚祺妻 劉謝氏劉上歡妻

劉蕭氏劉道悅妻

劉單氏劉卓詵妻

劉郭氏劉亞交妻

劉姚氏劉茂壹妻

劉單氏劉士賢妻

劉蕭氏劉大積妻

劉郭氏劉引祥妻

劉單氏劉慶安妻

劉黃氏劉大綱妻

劉鍾氏劉閏相妻

劉單氏劉有慶妻

劉列氏劉鳳携妻

劉吳氏劉林根妻

劉謝氏劉福超妻

劉單氏劉大經妻

劉黎氏劉南興繼妻

劉韓氏劉提綱妻

劉列氏劉兆清妻

劉吳氏劉容見妻殉夫

劉吳氏劉應元妻

劉單氏劉廷珊妻

劉黎氏劉接徵妻

劉阮氏劉應祝妻

劉吳氏劉亞嵩妻

劉單氏劉諦官妻

劉吳氏劉炎杰妻

劉黎氏劉靄春妻

劉吳氏劉裕民妻

劉梁氏劉應綱妻

劉徐氏劉張權妻

劉單氏劉廣蔭妻

劉吳氏劉寵恩妻

劉毛氏劉彥祥妻

劉單氏劉福綏妻

劉温氏劉遲發妻

劉蕭氏劉連勝妻

劉熊氏劉振榮妻

劉吳氏劉榮寵妻

劉江氏劉文瀾妻

劉單氏劉東就妻

增城縣志 卷二十五 人物八 列女

劉顧氏劉景隆妻

劉黃氏劉錫齡妻

劉李氏劉際亨妻

劉林氏劉煥章妻

劉馮氏劉祐輝妻

劉關氏劉榕根妻

劉顧氏劉閏歡妻

劉吳氏劉祖寬妻

劉蕭氏劉麟耀妻

劉鄧氏劉昂寵妻

劉葉氏劉賢弼妻

劉吳氏劉大見妻烈婦

劉沈氏劉吉祥妻

劉尹氏劉翰友妻

劉黃氏劉承興妻

劉黃氏劉裔廷妻

劉熊氏劉觀養妻

劉董氏劉瀾妻

吳湛氏吳日都妻

吳劉氏吳閏繁妻

吳劉氏吳文專妻

吳曹氏吳燦茂妻

吳謝氏吳應麟妻

吳黎氏吳濟邦妻

吳單氏吳福皆妻

吳劉氏吳驥妻

吳黎氏吳汝科妻

吳何氏吳國安妻

吳盧氏吳嘉樂妻

吳顧氏吳耀祖妻

吳黎氏吳士博妻

吳郭氏吳斗强妻

吳劉氏吳鴻嗣妻

吳姚氏吳慶餘妻

吳單氏吳觀靈妻

吳盧氏吳燦明妻

吳霍氏吳琮祐妻

吳姚氏吳有堅妻

吳尹氏吳樹華妻

吳黃氏吳德均妻

吳單氏吳文宗繼妻

吳梁氏吳藹吉妻

吳黎氏吳正蘭妻

吳董氏吳世貺妻

吳顧氏吳毓靈妻

吳鍾氏吳永祥妻

吳毛氏吳旭光妻

吳鍾氏吳俊章妻

吳阮氏吳德輝妻

吳劉氏吳本常妻

湛賴氏湛贊天妻

湛温氏湛芝華妻

湛鄧氏湛裴然妻

湛黎氏湛祥麟妻

湛吳氏湛福如妻

湛黎氏湛景清妻

湛李氏湛溢宇妻

湛徐氏湛祖祐妻

湛蕭氏湛任思妻

湛李氏湛履謙聘妻

湛劉氏湛有容妻

湛莫氏湛綺堂妻

湛莫氏湛兆鵬妻

湛何氏湛裕成妻

湛黃氏湛錦芳妻

湛羅氏湛安瀾妻

湛李氏湛銘勳妻

湛區氏湛敬科妻

湛吳氏湛遇階妻

湛余氏湛壽兒妾

湛莫氏湛邦煥妻

湛葉氏湛耀川妻

張單氏張聚周妻

張梁氏張箕緒妻

張毛氏張應纘妻

張湯氏張耀金聘妻

張吳氏張世冠妻

張賴氏張澤玲妻

張姚氏張貴琪妻

張林氏張衛廷妻

張曾氏張弼廷妻

張賴氏張鳳妻

張趙氏張容密妻

張賴氏張祖壯妻

張邱氏張本迪妻

張吳氏張士洪妻

張朱氏張本棉妻

張盧氏張鳳躋妻

張黃氏張翼學妻

張賴氏張本書妻

張熊氏張嘉謨妻

張尹氏張鴻基妻

張姚氏張應安妻

張吳氏張烈廷妻

張陳氏張嘉品妻

張簡氏張家瑞繼妻

張周氏張樂徽妻

張熊氏張文寶妻

張黎氏張觀楷妻

張藍氏張接熾妻

單阮氏單乃級妻

單吳氏單世則妻

單劉氏單錦恩妻

單吳氏單觀湛妻

單劉氏單金錫妻

單張氏單眉壽妻

單袁氏單士固妻

單阮氏單應運妻

單朱氏單華封妻

單吳氏單真趣妻

單王氏單華津妻

單劉氏單華珍妻

單劉氏單真女妻

單何氏單文理妻

單黎氏單華靜妻

單蔡氏單大雄妻

單梁氏單觀欽妻

單李氏單文琇妻

單鄭氏單世柱妻

單陳氏單賢高妻

單陳氏單光昭妻

單何氏單文鑑妻

單陳氏單贊韜妻

單阮氏單學高妻

單吳氏單逸之妻

單鄭氏單司柄妻

單劉氏單鎔灝妻

單黎氏單堯光妻

單林氏單華國妻

單周氏單能妻

單黎氏單珍炯妻

單姚氏單朝光妻

單郭氏單發祥妻

單袁氏單榕熙妻

單徐氏單孔庶妻

單郭氏單錦麟妻

單姚氏單勝金妻

單劉氏單世耀妻

單張氏單永昌妻

單張氏單觀池妻

單湛氏單貫中妻

單姚氏單長照妻

單劉氏單光鈴妻

單吳氏單世近妻

單吳氏單華根妻

單陳氏單光靈繼妻

單馮氏單神祐妻

湯黃氏湯鵬集妻

湯湛氏湯炳超妻

湯關氏湯協和妻

湯陳氏湯祖發妻

湯梁氏湯成就妻

湯陳氏湯勵予妻

湯徐氏湯臨登妻

湯陳氏湯子興妻

湯江氏湯觀敬妻殉夫

湯姚氏湯觀海妻

湯盧氏湯世鵬妻

湯盧氏湯爵超妻

湯黃氏湯應奎妻

鄭劉氏鄭志純妻	鄭湯氏鄭冠賢妻
鄭單氏鄭行端妻	鄭朱氏鄭烈勳妻
鄭莫氏鄭以漸妻	鄭陳氏鄭尙志妻
鄭蔣氏鄭璧琮妻	鄭吳氏鄭錦龍妻
鄭盧氏鄭兆佳妻	鄭陳氏鄭鎮妻
鄭賴氏鄭熊佐妻	鄭周氏鄭紹宗妻
鄭姚氏鄭承德妻	鄭蔣氏鄭嘉和妻
鄭單氏鄭孔餘妻	鄭顧氏鄭煥錫妻
鄭謝氏鄭平衡妻	鄭徐氏鄭會舉妻
鄭湯氏鄭祖訓妻	鄭毛氏鄭士舉妻

黎李氏黎暢林妻	黎吳氏黎祐蘭妻
黎劉氏黎聖階妻	黎單氏黎宅邦妻
黎徐氏黎觀泰妻	黎吳氏黎鈺輝妻
黎湛氏黎英翰妻	黎李氏黎孔心妻
黃梁氏黃使揚妻	黃劉氏黃細蝦妻
黃毛氏黃羣聚妻	黃姚氏黃恆讓妻
黃沈氏黃靄廷妻	黃單氏黃美中妻
黃吳氏黃炎昭妻	黃吳氏黃敬能妻
黃單氏黃松茂妻	黃關氏黃石進妻
黃鄧氏黃朝任妻	黃湛氏黃冠朝妻

會城縣志 卷二十五 人物八 列女 三

黃陳氏黃佐朝妻

黃劉氏黃鳳儀妻

黃鍾氏黃志仁妻

黃顧氏黃麗光妻

王李氏王光治妻

王單氏王同官妻

王陳氏王濟平妻

賴徐氏賴世善妻

賴郭氏賴寵膺妻

賴關氏賴統安妻

黃吳氏黃起鵬妻

黃張氏黃寵勳繼妻

黃黎氏黃閨庭妻

王何氏王聯輝妻

王彭氏王敬安妻

王何氏王蔭庭妻

王周氏王善如妻

賴關氏賴興邦妻

賴蔣氏賴成章妻

賴單氏賴嘉炳妻

賴張氏賴文炳妻

賴林氏賴文濟妻

賴張氏賴倚登妻

賴關氏賴煒樞妻

賴鄧氏賴體乾妻

賴陳氏賴鑑清妻

賴藍氏賴對墀妻

朱翟氏朱應詵妻

朱吳氏朱拱陽妻

朱單氏朱待問妻

賴郭氏賴妙和妻

賴張氏賴炳輝繼妻

賴曾氏賴世金妻

賴周氏賴緒承妻

賴鍾氏賴煥林妻

賴聶氏賴閨女妻

朱羅氏朱觀光妻

朱賴氏朱陽華妻

朱毛氏朱汝楫妻

朱劉氏朱耀光妻

朱關氏朱結容妻

朱毛氏朱濟川妻

朱梁氏朱全一妻

朱尹氏朱羣衣繼妻

朱毛氏朱亞鳳妻

朱馮氏朱嘉會妻

朱毛氏朱三喜妻

朱張氏朱連庇妻

朱張氏朱容訂妻

朱張氏朱良貴妻

朱周氏朱張玉妻

朱周氏朱榕植妻

朱張氏朱文藻妻

朱賴氏朱慶良妻

朱陳氏朱耀東妻

朱潘氏朱瑞英妻

朱劉氏朱櫛雨聘妻

朱劉氏朱緝勳聘妻

郭單氏郭聘英妻

郭賴氏郭原德聘妻

郭陳氏郭建業妻

郭黎氏郭道孚妻

郭單氏郭逢泰妻

郭葉氏郭逢泰妾

何王氏何冠千妻

何姚氏何月華妻

何黎氏何華遠妻

何梁氏何捷三妻

何列氏何裔心妻

何阮氏何瑞禧妻

何吳氏何瑞璋妻

何謝氏何文勝妻

何湯氏何觀贊妻

何吳氏何祖詒妻

何李氏何啟邦妻

何黃氏何燎輝妻

何劉氏何成金聘妻

何顧氏何滿興妻

何蕭氏何纘緒妻

何黎氏何應時妻

何阮氏何富基妻
何單氏何肇發妻

何單氏何節妻
何王氏何永彰妻

何劉氏何敬賢妻
何賴氏何觀焱妻

何蔡氏何聯輝妻
何韓氏何積禧妻

何朱氏何後發妻
何朱氏何世茂妻

何蔡氏何亞秋妻
何劉氏何熊光妻

何吳氏何喜孚妻
何陳氏何愛康妻

何單氏何善慶妻
何阮氏何廷欽妻

何黎氏何泰康繼妻
鍾盧氏鍾毓發妻

鍾李氏鍾陽暹妻
鍾黎氏鍾炳彰妻

鍾湛氏鍾卓雲妻
鍾劉氏鍾炳光妻

鍾劉氏鍾逢亮妻
鍾周氏鍾礪周妻

鍾梁氏鍾金成妻
鍾彭氏鍾泰孚妻

鍾余氏鍾靈光妻
鍾湛氏鍾桂林妻

鍾陳氏鍾顯秀妻
鍾吳氏鍾容坤妻

鍾葉氏鍾錫瑤妻
鍾庾氏鍾能韜妻

鍾何氏鍾茂敷妻
鍾霍氏鍾時用妻

鍾朱氏鍾寬有妻
鍾謝氏鍾日剛妻

李廖氏李金瑚妻
李蔡氏李金保妻

李梁氏李孔章妻
李張氏李張保妻

李茹氏李贊廷妻	趙張氏趙榕勝妻
梁毛氏梁應元妻	梁朱氏梁文海妻
梁潘氏梁周正妻	梁陳氏梁祥裕妻
梁石氏梁志湘妻	梁馮氏梁超進妻
梁何氏梁文盛妻	梁黎氏梁世橋妻
梁江氏梁有濟妻	梁姚氏梁俊秀妻
蔣黎氏蔣景濂妻	蔣鄧氏蔣錫亮妻
蔣陳氏蔣世忠妻	葉葉氏蔣純一繼妻
蔣賴氏蔣日昇妻	潘梁氏潘暢英妻
潘蘇氏潘登一妻	潘梁氏潘爰飛妻

潘姚氏潘銓立妻	潘吳氏潘挹輝妻
潘黎氏潘容瑞妻	潘周氏潘極林妻
潘阮氏潘燦增妻	潘姚氏潘永安妻
潘朱氏潘許堂妻	羅胡氏羅炳如妻
羅湯氏羅步瀛妻	溫顧氏溫耀中妻
溫伍氏溫集文妻	林劉氏林應祥妻
林溫氏林餘芳妻	林湛氏林浪清聘妻
林劉氏林樹翰妻	毛梁氏毛觀用妻
毛朱氏毛輝周妻	毛何氏毛信昭妻
毛朱氏毛世豐妻	毛何氏毛公鼐妻

毛劉氏毛宏吉妻	毛吳氏毛鴻堅妻
毛莫氏毛叶熊妻	毛陳氏毛世守妻
毛莫氏毛統岐妻	毛單氏毛茂元妻
毛黃氏毛恩勝妻	毛梁氏毛慎旃妻
毛朱氏毛燎錫妻	毛陳氏毛峩妻
阮毛氏阮世俊妻	阮列氏阮應章妻
阮陳氏阮卓亭妻	阮劉氏阮有發妻
阮劉氏阮潤成妻	阮吳氏阮剛妻
阮陳氏阮晃然妻	阮劉氏阮潤宗妻
阮郭氏阮容興妻	阮陳氏阮祐輝妻

阮袁氏阮永貞妻	阮葉氏阮敬敷妻
阮劉氏阮煥章妻	阮蕭氏阮悅興妻
阮石氏阮荅妻	阮溫氏阮倫裔妻
姚張氏姚東鳳妻	姚黎氏姚男醜妻
姚郭氏姚雄邦妻	姚何氏姚緝平妻
姚蔡氏姚觀德妻	姚吳氏姚世敬妻
姚顧氏姚福維妻	姚何氏姚靜宜妻
姚張氏姚惠揚妻	姚林氏姚緒延妻
姚鄧氏姚土成妻	姚阮氏姚連枝妻
姚葉氏姚裕昆繼妻	姚陳氏姚茂基妻

姚單氏姚帝祥妻
姚陳氏姚澤士妻

姚袁氏姚文高妻
顧謝氏顧祝妻

顧吳氏顧觀襲妻殉夫
顧王氏顧大亨妻殉夫

顧郭氏顧連茹妻
顧姚氏顧閏齡妻

顧劉氏顧應福妻
顧朱氏顧其活妻

顧蕭氏顧有威妻
顧蕭氏顧勤可妻

顧姚氏顧閏持妻
顧郭氏顧接泉妻

顧郭氏顧士岳妻
顧郭氏顧潤生妻

顧姚氏顧華燕妻
顧黎氏顧劉祖妻殉夫

顧劉氏顧兆榮妻
顧劉氏顧帝洽妻

顧葉氏顧真灝妻
顧何氏顧能顯妻

顧吳氏顧沛霖妻
列劉氏列冠靈妻

列鄭氏列燦勳妻
列韓氏列裕珍妻

列萬氏列金印妻
列劉氏列亞保妻

列馮氏列錦輝妻
列張氏列連拔妻

列張氏列煥昭妻
列陳氏列奇珍妻

列吳氏列偉常妻
盧何氏盧汝春妻

盧黃氏盧聖全妻
盧張氏盧郎選妻

盧溫氏盧潤芳妻
盧翟氏盧福祥妻

盧蔣氏盧樹合妻
盧黃氏盧惠霖妻

盧莫氏盧錦麟妻	盧陳氏盧達海妻
盧黎氏盧瑞超妻	胡張氏胡益中妻
胡張氏胡文超妻	胡袁氏胡應灼妻
胡王氏胡賢裔妻	胡黎氏胡世居妻
鄧謝氏鄧堯勳妻	鄧蔡氏鄧靄如妻
鄧張氏鄧榮之妻	鄧朱氏鄧秉陽妻
鄧賴氏鄧慶君妻	鄧黎氏鄧善餘妻
徐陳氏徐兆麟妻	徐鍾氏徐鏞妻
徐黃氏徐聖集妻	徐鍾氏徐洪瀾聘妻
余伍氏余清之聘妻	余湛氏余茂蕃妻

余吳氏余燦英妻	尹蕭氏尹國欽妻
尹鄭氏尹世教妻	尹蔣氏尹世步妻
尹關氏尹纘基妻	尹周氏尹衡基妻
尹張氏尹遇亨妻	尹陳氏尹壯賢妻
尹鄧氏尹世雙妻	尹鍾氏尹鎮妻
尹徐氏尹劉扶妻	尹文氏尹得彥妻
尹鄭氏尹國安妻	周王氏周文昇妻
周關氏周學濂繼妻	周何氏周拔萃妻
周莫氏周世長妻	周賴氏周鄭雄妻
周阮氏周漢章妻	蔡吳氏蔡志昌妻

蔡吳氏蔡作聖妻

蔡黃氏蔡瑞奇妻

蔡吳氏蔡會心妻

蔡梁氏蔡貫亨妻

蔡湯氏蔡金銘妻

蔡徐氏蔡席元妻

蔡黎氏蔡建基妻

蔡廖氏蔡乃持妻

蔡姚氏蔡啟昌妻

蔡鍾氏蔡世齡妻

蔡單氏蔡光澤妻

蔡崔氏蔡允誠妻

伍鍾氏伍紉緇妻

伍陳氏伍卓峯妻

伍馮氏伍炳建妻

伍湛氏伍綿業妻

伍莫氏伍莫芳妻

伍湛氏伍秀士妻

廖麥氏廖世合妻

廖陳氏廖世琛妻

廖葉氏廖達篋妻

廖黃氏廖世琛妻

廖蔡氏廖禮三妻烈婦

廖單氏廖炎爐妻

廖鄭氏廖觀瑞妻

韓梁氏韓允中妻

韓尹氏韓益佳妻

會胡氏會文簡妻

會單氏會居仁妻

會阮氏會璧衷妻

會秦氏會文簡妻

會羅氏會世興妻

會吳氏會容生妻

會張氏會倬芳妻

會阮氏會東保妻

袁蘇氏袁智明妻

袁劉氏袁世發妻

袁黃氏袁演謀妻

馮單氏馮世福妻

馮關氏馮命之妻

馮黃氏馮立中妻

馮單氏馮達昭妻

馮吳氏馮兆吉妻

馮吳氏馮和衷妻

馮吳氏馮惠珠妻

馮毛氏馮沛瀾妻

石朱氏雲都石山田

彭何氏彭之球妻

彭單氏彭世桐妻

彭周氏彭偉萬妻

彭陳氏彭大鴻妻

彭王氏彭聖祥妻

彭陳氏彭志忠妻

蕭劉氏蕭世敬妻

蕭單氏蕭祖蔭妻

蕭馮氏蕭文炎妻

蕭何氏蕭華照妻

蕭劉氏蕭華慶妻

蕭黃氏蕭亞旦妻

蕭邵氏蕭豪任妻

蕭邱氏蕭桂高繼妻

蕭劉氏蕭應國聘妻殉夫

麥何氏麥世科妻

麥陳氏麥祖角妻

麥吳氏麥位徵妻

麥賴氏麥祖槐妻

謝單氏謝儒中妻

謝陳氏謝光裕妻

謝陳氏謝展輝妻

崔張氏崔石聘妻

曹謝氏曹道安妻

江阮氏江作基妻

莫湯氏莫應揚妻

莫單氏莫其坤妻

莫顧氏莫耀祖妻

葉單氏葉挺芳妻

葉曹氏葉承緒妻

董韓氏董逢源妻

蘇袁氏蘇真浩妻

邵劉氏邵儀莊妻

邵朱氏邵世祝妻

沈鄭氏沈經一繼妻

熊會氏熊浩然妻


關戴氏關德衷妻

康楊氏康蒂金妻

洪鍾氏洪煇輝妻

石劉氏石盛章妻

增城縣志卷二十五終



~~100~~

101

105.10

